

Northern Udmurt: Unlocked Literal Bible for John

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



John

¹Нырысь ик вал Кыл, но Кылыз вал Инмарлэн, но Кыл вал Инмар.

²Со вал нырысь ик Инмарлэн.

³Ваньмыз Со пыртй өдяз луыны, но Сотэк номыре но ой вал, мар өдяз луыны.

⁴Со пучкын вал улон, но улон вал югдыт калыкёслы.

⁵Югыт югдытэ пеймытын, но пеймыт өз басьты сое.

⁶Инмарлэсь келямын вал адыми, кудызлэн нимыз Иоанн.

⁷Со лыктйз ивортыны, ивортон понна Югыт сярысь, ваньмыз мед оскозы шуыса со пыртй.

⁸Со ой вал югыт, но келямын вал, вераны Югыт сярысь.

⁹Вал землыко Югыт, Кудыз котькудзэ дышетэ, кин лыктэ дунне вылэ.

¹⁰Со вал дунне вылын, дунне кылдйз Со пыртй, нош дунне өз тодма Сое.

¹¹Со лыктйз аслазёсыз доры, но аслазёсыз Сое доразы оз лэзе.

¹²Нош соослы, кин лэзиз Сое дораз, оскисьёслы Солэн нимызы, сётйз власть луыны Инмарлэн нылпиез шуыса,

¹³кудъёсыз өз вордйське вирлэсь но мугорлэн мылпотэмезлэсь но пиосмуртлэн мылпотэмезлэсь но, нош вордйськызы Инмарлэсь.

¹⁴Кыл луиз мугор но асьменым чош вал, тырмыса благодатен но шонерлыккен. Ми адзимы Солэсь данлыксь, Атайлэсь Одиг гинэ вордискем Пиезлэсь данзэ кадъ.

¹⁵Иоанн вераляз Со сярысь но шуылйз: «Та Со, Кудыз сярысь мон верай, мон съёры Мынйсьез мынам азыпалам луиз, малыке шуоно со вал мынам азыпалам.

¹⁶Солэн тырмеменыз ми ваньмы басьтймы благодать вылэ благодать,

¹⁷малыке шуоно Моисей пыртй сётэмын закон, нош благодать но шонерлык лыктйзы Иисус Христос пыртй.

¹⁸Инмарез нокин но ноку но өвёл адзем – Сое возьматйз Одиг гинэ вордискем Пиез, кудыз улэ Атаезлэн пучказ».

¹⁹Тйни сыће вал веранэз Иоаннлэн, куке иудейёс келязы вал Иерусалимысь священникъёсты но левитъёсты юаны сое: «Кин тон?»

²⁰Со ялйз, но өз но куштйськы, но валэктыса вераз : "мон Христос өвёл"

²¹Солэсь юазы: «Кин бен тон? Илия?» Со шуиз: «Өвёл». «Пророк?» Со шуиз: «Өвёл»

²²Соку соос шуизы: «Кин бен тон? Мар милеем верано, милемды келясьёслы : мар тон вералод ачид сярысь?»

²³Со шуиз : «Мон пустыняысь кесяськыса верась куара: «Лэсьтэ шонер сюрес Кузё Инмарлы» - кызы шуиз пророк Исаия».

²⁴Келямёс вал фарисейёс пöлысь.

²⁵Соос юазы солэсь: «Тон өвёл ке Христос но Илия но пророк но ке өвёл, малы соку крестить кариськод?»

²⁶Иоанн шуиз соослы: «Мон вуын крестить карисько, но тй пöлын вань Кинке, Кудзэ тй уд тодйське.

²⁷Со, мон бõрсы Лыктись, мынам азыпалам луиз. Мон Солэсь пыдкучтетэзлэсь езе но пертчыны ярано өвõл»

²⁸Та вал Вифаниын, Иордан шур дурын, кытын крестить каре вал Иоанн.

²⁹Мукет нуналаз Иоанн адзиз со доры лыктись Иисусэз но шуиз: «Тани Инмарлэн Ыжпиез, Кудыз басьтэ Вылаз дуннелэсь сьõлыксэ.

³⁰Со сярись мон верай вал: «Мон сьõры лыктэ Соиз, Кудыз султйз мынам азыпалам, малыке шуоно Со вал нй мынам азыпалам»

³¹Мон уг тодйськы вал Сое, нош мон лыктй крестить карыны Сое вуын со понна, Со Израильлы мед тодмо луоз шуыса».

³²Иоанн юнматыса вераз: «Мон адзи Духез, кудыз ваське вал инмысь, дыдык музэн, но кылйз Со вылын.

³³Мон уг тодйськы вал Сое, нош монэ Келясь, крестить карыны вуын, вераз мыным:" Куке адждэ Духез, Кудыз Кинке былэ ваське но Со вылын луэ, Со вань Святой Духен крестить карись"

³⁴Но мон адзи но ивортй, Со Инмарлэн Пиез шуыса".

³⁵Мукет нуналэ нош ик Иоанн аслаз кык дышетскисьёсыз сылэ вал.

³⁶Но, адзиз Иисуслэсь лыктэмзэ но шуиз : "Тйни Инмарлэн Ыжпиез"

³⁷Солэсь верамзэ кылыса, кыкез ик дышетскисьёсыз Иисус сõры мынйзы.

³⁸Нош Иисус, берытскыса адзиз соос сõраз мыно шуыса, но юаз соослэсь:"Мар тйлед кулэ?" Соос шуизы Солы:"Равви (дышетйсь), кытын улйськод?"

³⁹"Лыктэ но адждэды", - вераз соослы. Соос мынйзы но аддизы, кытын Со улэ, но улйзы Со дорын со нуналзэ. Дыр вал дас час котыр.

⁴⁰Одйгез кык пõлысь, Иоаннлэсь Иисус сярись кылылэмез, но Иисус сьõры кошкисез, вал Андрей, Симон Пётрлэн выныз.

⁴¹Со нырысь ик шедьтэ аслэсьтыз вынзэ Симонзэ но вера солы : "Ми шедьтймы Мессияез (Христосэз)"

⁴²Но ваиз сое Иисус доры. Иисус учкиз со шоры но шуиз:"Тон - Симон, Ионналэн пиез, тонэ нималозы Кифа, кудыз "из" (Пётр) луэ.

⁴³Мукет нуналэ Иисуслэн мынэмез потйз Галилеяе. Но шедьтэ Филиппез но вера солы:"Лык Мон сьõры"

⁴⁴Филипп нош вал Вифсаидысь, одйг городысь Андреен но Пётырэн.

⁴⁵Филипп шедьтэ Нафанаилзэ но вера солы:"Ми шедьтйм Сое, Кин сярись гожъяз Моисей но пророкёс, Иисусэз, Иосифлэсь пизэ, кудыз Назаретысь".

⁴⁶Нош Нафанаил шуиз солы:"Марке жечез луыны быгатоз - а Назаретысь меда?"

⁴⁷Иисус, адзиз Со доры лыктись Нафанаилзэ но вера со сярись:"Тани зэмоз Израильын улйсь мурт, кудызлэн өвõл кескич малпанзэ".

⁴⁸Нафанаил юа Солэсь:"Кытысь Тон монэ тодйськод?" Иисус вераз солы:"Филипп тонэ õтемлэсь азыло ик, Мон тонэ адзи смоковница улысь".

⁴⁹Нафанаил Солы пумитаз вазиз:"Равви! Тон - Инмарлэн Пиез, Тон - Израильлэн Царез".

⁵⁰Иисус солы вазиз:"Тон оскиськод, малыке шуоно Мон тыныд верай:"Мон аджи тонэ смоковница улысь",- талэсь но бадымзэгес аджэ!"

⁵¹Но вера солы:"Зэм ик, зэм ик верасько тйлед: табере тй аджэды усьтйськем инэз но Инмарлэсь ангелъёссэ, кдъёсыз тубо но васько Адямлэн Пиез доры".

2 ¹Куиньметй нуналаз Галилеясы Кан городын сюан вал, Иисулэн анаез но отын вълэм.

²Озы ик сюанэ отизы Иисусэз но Солесь дышетскисьёсэ.

³Но куке быриз виназы, Иисулэн анаез вера Солы:"Милям винамы быриз".

⁴Иисус вера солы:"Мар Мыным но тыныд но, кышномурт? Мынам дыры өз на вуы",

⁵Солэн анаез шуыз ляльчиослы:"Мар Со тйлед вералоз, сое ик лэсьтэ",

⁶Сыло вал отын куать излэсь лэсьтэм кувшинъёс, кудъёсыныз иудейёс чылкытатон сямзэс лэсьтыло вал. Котькудызлэн быдзалаез вал сю литр пала.

⁷Иисус шуэ соослы:"Тырмытэ кувшинъёсты вуэн". Но тырмытйзы соосты йылояз.

⁸Но вераса соослы:"Табере омырты но шулдыръяськонлэн төроезлы нуэ". Но нуизы.

⁹Куке төро шөмтйз вуэз, кудыз вина пөрмиз,- нош со уг тоды вал, кытысь со вина, ляльчиос гинэ тодо вал, кудъёсыз ву омыртйзы, - соку төро эмеспиез өте

¹⁰но вера солы:"Котькуд адыми нырысь ик жечсэ виназэ секта, нош шөмаськемзы бере уродзэгес, нош тон жеч винадэ та дырозэ возем".

¹¹Тазы Галилеясы Кан городын Иисус чудооссэ лэсьтыны өдяз но Аслэсьтыз данзэ возматйз.Но Солэн дышетскисьёсыз оскизы Солы.

¹²Со бере Со, Солэн анаез, вынъёсыз но дышетскисьёсыз лыктйзы Капернауме, кытын улйзы кёняке нунал.

¹³Матэктэ нй вал иудейёслэн Пасказы. Иисус лыктйз Иерусалиме

¹⁴но аджиз, храмын вузало ошгъёсты, ыжгъёсты но дыдыкгъёсты, но пуко коньдон вошгъясъёс.

¹⁵Но, лэсьтыса гозыослэсь сюло, улляз храмысь ваньзэсты, озы ик ыжгъёсты но ошгъёсты. Но пазяз коньдонзэс коньдон воштйсьёслэсь, нош жокгъёссэс бэрыкъяз.

¹⁶Но шуиз дыдык вузасъёслы:"Тае татысь басгъэ но Мынам Атаелэсь корказэ эн лэсьтэ вузкарон инты".

¹⁷Соку дышетскисьёсыз тодазы ваизы, гожтэмын шуыса:"Тынад коркоед сярись сюлмаськон йырйе Монэ".

¹⁸Солы пумит иудейёс юазы:"Кыче тодметэн возматод Тон милем, властйед вань шуыса тазы лэсьтыны?"

¹⁹Иисус вераз соослы пумитазы:"Куҷкатэ та храмез, но Мон сое куинь нуналскын пукто".

²⁰Талы пумит иудейёс веразы:""Та храм пуктэмын вал ныйльдон кутъ ар, нош Тон куинь нуналскын вълёсь пуктод сое?"

²¹Нош Со вера вал Аслаз мугорызлэн храмез сярись.

²²Куке Со улзйса кулэмысь султйз, соку дышетскисьёсыз тодазы ваизы Сое, Со вераз вал тае шуыса, но оскизы Писаниелы но Иисулэн верам кылызлы.

²³Но кукe Со вал Иерусалимын Пасхаез праздновать карыку, Солэсь чудоос лэсьтэмзэ адзыхса, тросэз оскизы Солэн нимызлы.

²⁴Нош Ачиз Иисус өз оскыты Ассэ соослы, малыке шуоно тодэ вал ваньзэсты

²⁵но кулэ ой вал Солы, кинке мед вералоз шуыса адыми сярэсь, малыке шуоно со Ачиз тодэ вал, мар адыми пучкын.

3 ¹Фарисейёс пöлын вал Никодим нимо адыми - одйгез иудейёс пöлысь кивалтйсь.

²Со лыктйз Иисус доры уйин но юаз Солэсь: "Равви! Ми тодйськом Тон дышетйсь шуыса, кудыз Инмар дорысь лыктэмын, малыке шуоно, сыче чудоосты, кудъёссэ Тон лэсьтйськод, нокин но уз быгаты лэсьтыны, соин өз ке луы Инмар".

³Иисус шуиз солы: "Зэм ик, зэм ик верасько тыныд: кин ке өз ке вордйськы выльысен, уз адзы Инмарлэсь Царствозэ".

⁴Никодим вера Солы: "Кызы пересь адыми быгатоз вордйськыны? Кызы, бен, со кыкэтйз пырыны быгатоз анаезлэн пушказ но выльысь вордйськыны?"

⁵Иисус пумитаз вера: "Зэм ик, зэм ик верасько тыныд: кинке өз ке вордйськы вулэсь но Духлэсь, уз быгаты пырыны Инмарлэн Царствоаз.

⁶Кин вордйське мугорлэсь - со мугор, нош кин вордйськоз Духлэсь - со дух.

⁷Эн паймелэ солы, мар Мон тйлед верай: "Тй вордйськыны кулэ выльысен".

⁸Дух шока, кытын мылыз потэ, куаразэ но солэсь кылйськод, нош уд тодйськы, кытысь лыктэ но кытчы кошке. Озы луэ котькудыныз, кин вордйськемын Духлэсь".

⁹Никодим юаз Солэсь: "Кызы со озы луыны быгатэ?"

¹⁰Иисус шуиз солы: "Тон - Израильысь дышетйсь но сое но уд тодйськы?"

¹¹Зэм ик, зэм ик верасько тыныд: ми вераськом со сярэсь, мае тодйськом, ивортйськом сое мае адзйськом, нош тй кулэ уд кариське милесьтым ивортэммес.

¹²Мон верасько ке тйлед музъемлэнэз сярэсь, но тй уд оскиське, нош кызы оскоды, верай ке тйлед инмысезлэн сярэсь?

¹³Нокин но өз на туба инме, инмысь васькись Адямилэн Пиез сяна, кудыз инмын улэ.

¹⁴Кызы Моисей жутйз кййез пустыняын, озы ик жутйськыны куэ Адямилэн Пиез

¹⁵котькудыз Солы оскись медаз быр, нош мед луоз солэн ноку но быронтэм улонэз.

¹⁶Уго Инмар яратйз дуннеез, но сётйз аслэсьтыз Одыг вордйськем Пиез, котькудыз Солы оскись медаз быр, нош мед луоз солэн ноку но быронтэм улонэз шуыса.

¹⁷Малыке шуоно Инмар өз келя пиез быдтыны дуннез, нош лыктйз, Со пыртй дунне утемын мед луоз шуыса.

¹⁸Солы оскись судэ сётэмын уз луы, нош кин Солы уг оскы, судить каремын ини, малыке шуоно өз оскы Одыг гинэ Вордйськем Инмарлэн пиезлы.

¹⁹Судлэн пуштросэз тазы, югыт лыктйз дуннее, нош калык тужгес яратйзы пеймытэз югытлэсь золгес, малыке шуоно ужъёссы соослэн лекесь.

²⁰Уго котькудыз, кин лэсьтэ лек уж, аджемпотостэм каре югытэз но уг лыкты югыт доры, медаз шараяське шуыса солэн лек ужъёсыз.

²¹Нош шонер лэсьтись югыт доры мынэ, мед адзиськоз шуыса солэн ужъёсыз, малыке шуоно соос лэсьтэмын Инмар пучкын".

²²Со бере Иисус лыктыз Аслаз дышетскисьёсыз иудейской музъем вылэ, отын улыз соосын но крестить карылиз.

²³Озы ик Иоанн крестить кариз Салим вёзысь Енонын, малыке шуон отын тросс вуэз вал. Отчы лыктылйзы но крестится кариськылйзы,

²⁴соку Иоанн пытсамтэ но вал на тюрмае.

²⁵Соку Иоаннлэн дышетскисьёсылэн иудейёсын кылзы өз тупа чылкытатон сярысь.

²⁶Лыктйзы Иоанн доры но юазы:"Равви! Со, Кин вал тонэныд Иордан дорын но Кудыз сярысь тон верад вал, тйни, Со крестить кароз, но ваньмыз мыно Со доры".

²⁷Иоанн вераз:"Номыре но уз быгаты басьтыны адями вылаз, солы сетэмын өз ке луы инмысен.

²⁸Тй асьтэос отын вал, мар мон верай:"Мон өвёл Христос, нош мон келямын Солэн азыпалаз"

²⁹Эмеспил со, кинлэн вань кенэз, эмеспилэн эшез сылэ но сак кылзйське эмеспилэсь куаразэ но тырме шумпотонэн. Тани мынам шумпотонэ быдэсмиз.

³⁰Солы кулэ будыны нош мыным пичигес луыны.

³¹Вылйысь лыктйсь ваньмызлэсь бадзымгес, нош музъялэнэз музъемлэн ик кылэз, вераське но музъемлэн кадь.Инмысь лыктйсь ваньмызлэсь бадзымгес,

³²но мае Со адзиз но кылйз, со сярысь ик вера, но нокин но уг басьты Солэсь верамзэ.

³³Кин басьтоз Солэсь верамзэ со юнматыса возматэ Инмарлэзь зэмлыкксэ

³⁴малыке шуоно Кинэ келяз Инмар, Со вера Инмарлэсь Кылъёссэ, малыке шуоно мертаса уг сёты Инмар Духсэ.

³⁵Атай яратэ Пизэ но ваньзэ сётйз Солэн кияз.

³⁶Кин оске Пйлы, солэн вань ноку но быронтэм улонэз , нош кин уг оскы Пилы, уз адзы улонэз, нош Инмарлэн йыркурез кылэз со вылын".

4 ¹Куке Иисус тодйз фарисейёс доры вуиз ни шуыса вераськонъёс, Иисус пе дышетскисьёсэ люка но Со Иоаннлэсь троссгес крестить каре,-

²хотя Иисус ачиз крестить өз карылы, нош Солэн дышетскисьёсыз гинэ,-

³соку, Иудеяз кельтйз но выльысь мынйз Галилеяз.

⁴Нош Солы Самария пырти ортчёно вал.

⁵Соку лыктэ Со Самариысь Сихарь городэ, кудыз кыдёкын ой вал, Иаковлен аслаз пиезлы Иосифлы сётэм музъем удыслэсь.

⁶Отын вал Иаковлэ колодчаез. Иисус жадем сюрэс вылын но колодча вёзы пуксем. Куать час котыр дыр вал.

⁷Самариысь кышномурт лыктэ ву понна. Иисус солы вера:"Вай Мыным юыны",-

⁸малыке шуоно Солэн дышетскисьёсыз кошкызы городэ сиён басьтыны.

⁹Самарянка шуиз солы:"Кызы Тон иудей куриськод юыны самарянкалэсь? Уго иудейёс самаряньёсын уг верасько".

¹⁰Иисус шуиз солы пумитаз:"Тон тодысал ке Инмарлэсь кузьымзэ но Кин вера тыныд:"Вай Мыным юыны", соку тон ачид курысал Солэсь, но Со сётысал тыныд улэп ву".

¹¹Кышномурт шуэ Солы:"Господин! Тынад омыртонэд но өвёл, нош колодча мур, кытысь бен Тынад улэп ву?

¹²Тон, бадъымгес шат, милям атаймылэсь Иаковлэсь, кудыз сётиз милем та колодчаез но ачиз но, солэн нылпиосыз но, пудоез но отысь ик юйлиз?"

¹³Иисус вераз солы пумитаз:"Котькуд адямилэн, кин юоз та вуэз, выльысь сюэз куасьмоз,

¹⁴нош кин юоз вуэз кудзэ Мон сёто, солэн ноку но юэмез уз нй поты, нош ву кудзэ Мон сёто солы, пöрмоз со пушкын ошмес, кудызлэн вуэз пумтэм- быронтэм улонэ бызе".

¹⁵Кышномурт шуэ Солы:"Господин! Вай мыным со вуэз, мынам сюэ но медаз нй куасьмы но татчы ву доры ветлонэз но медаз нй луы".

¹⁶Иисус вера солы:"Мын, öть карттэ но лыкты татчы".

¹⁷Кышномурт пумитаз вераз:"Мынам өвёл картэ". Иисус солы шуэ:"Туж умой, тон верад, картэд өвёл шуыса,

¹⁸уго тынад вал вить картёсыд, но соиз,кудыныз тон улйськод, тыныд карт өвёл. Созэ тон шонер верад".

¹⁹Кышномурт шуэ Солы:"Господин! Адзисько, тон пророк шуыса.

²⁰Милям атайёсмы йыбыртъялязы та гурезын, нош тй вераськоды, йыбыртъяны яра Иерусалимын гинэ.

²¹Иисус вера солы:"Оскы Мыным, вуоз сыче дыр, куке та гурезын но Иерусалимын но уз нй йыбыртъялэ Атайлы.

²²Тй уд тодйське, марлы йыбыртъяськоды, нош ми тодйськом, марлы йыбыртъяськомы, спасение иудейёслэсь уго.

²³Нош вуоз дыр, но вуиз ини, куке зэмос йыбыртъяськисьёс Атайлы йыбыртъяськозы духын но зэмлыкен, малыке шуоно сыче йыбыртъяськисьёсты Атай утча Аслыз.

²⁴Инмар - со дух, но йыбыртъяськись Солы йыбыртъяськыны кулэ духын но зэмлыкен".

²⁵Кышномурт шуэ Солы:"Тодйсько, лыктоз Мессия, кудзэ шуо Христос.Куке Со лыктоз, соку усьтоз милем ваньзэ".

²⁶Иисус вера солы:"Мон Со, Кудыз вераське тонэныд".

²⁷Со куспын лыктйзы Солэн дышетскисьёсыз но паймизы, Со вераське шуыса кышномуртэн, озы ке но, одйгез но соос пöлысь öз вералэ:"Мар Тыныд кулэ?" яке:"Мар сярысь вераськид соин?"

²⁸Соку кышномурт кельтиз аслэсьтыз кувшинзэ но мынйз городэ, но вераз калыклы:

²⁹"Мынэлэ, учкелэ Адямиез, Кудыз мыным вераз ваньзэ, мар мон лэсьтй: Со Христос өвёл меда?"

³⁰Соос потйзы городысь но Со доры мынйзы.

³¹Сое дышетскисьёсыз куризы:"Равви! Сиськы".

³²Но Со сослы шуиз:" Мынам вань сионэ, кудыз сярысь тй уд тодйське".

³³Соин ик дышетскисьёсыз куспазы верасько вал." Кинке шат Солы ваиз сион?"

³⁴Иисус вера соослы:"Мынам сионэ луэ, Монэ Келясьлэсь куронзэ быдэстон но Солэсь ужзэ лэсьтон.

³⁵Тй уд шат вераське, ньылъ толэзь ортчем бере вуоз аран дыр? Нош Мон верасько тйлед: жутэ синъёстэс но учке ю бусыос шоры, соос тодьектйзы ини, дасесь нй араны.

³⁶Арась басьтэ кузьым но люка емыш ноку быронтэм улонэ, озьыен кизись но арась но ёшен шум потозы,

³⁷соку дыръя шонер верам:"одйгез кизе нош мукетыз ара".

³⁸Мон келясько тйледды араны, мае тй од лэсьтэ:мукетъёсыз лэсьтйзы, нош тй люкаськоды емышсэ соослэсь ужамзылэсь".

³⁹Со городысь тросэз самарьянэс оскизы Солы кышномуртлэн кылъёсызлэсь, кудыз ивортйз, Со пе ваньзэ шонер вераз солэсь ужъёссэ.

⁴⁰Соин ик, куке Со доры лыктйзы самарянъёс, куризы Сое доразы улыны, но отын Со вал кык нунал.

⁴¹Но эшшо но тросс калык оскизы на Солэн кылыныз..

⁴²Нош со кышномуртлы шуылйзы:"Тынад кылыныд гинэ ум нй оскиське, малыке шуоно асьмеос кылйм но тодйм, Со- Христос дуннелэн зэмос утисез".

⁴³Кык нунал ортчем бере, Со потйз отысь но мынйз Галилеяе,

⁴⁴малыке шуоно Иисус Ачиз вераз, пророкез уг дунъяло шуыса аслаз вордйськем пальёсаз.

⁴⁵Куке Со лыктйз Галилеяе, отын улийсьёс Сое принять каризы, малыке шуоно соос вал Иерусалимын проздник дыръя но ваньзэ адйизы мар Со лэсьтйз.

⁴⁶Иисус нош ик лыктйз Галилеяеыс Кан городэ, кытын вуэз вина лэсьтйз вал. Капернауын вал царьлэн визь-кенеш сётйсез, кудызлэн висе вал пиез.

⁴⁷Со кылэм Иисус лыктэм шуыса Иудеяыс Галилеяе, лыктйз Со доры но куриз Сое мед катялоз шуыса солэсь пизэ, кудыз кулон калын кылле.

⁴⁸Иисус шуиз солы:"Тй уд оскэ, од ке адёе тодмет но чудо".

⁴⁹Царьлэн визь-кенеш сётйсез вера Солы:"Господин! Лыкты вал, мынам пиелэсь кулэмезлэсь азьло".

⁵⁰Иисус вера солы:"Мын, тынад пиед катяськиз".Со оскиз Иисуслэн верамезлы но кошкиз.

⁵¹Сюрэс вылысен солэн ляльчиосыз сое пумитазы но веразы:"Тынад пие катяськиз".

⁵²Со юаз соослэсь:"Кыће дырын солы йён луиз?" Солы шуизы:"Толон сизыметй часын горячка кельтйз сое".

⁵³Со бордысен атаез тодйз, та со дыр вал шуыса,Куке Иисус солы вераз:"Тынад пиед катяськиз".Соку оскиз ачиз но ваньмыз солэн коркасьтыз.

⁵⁴Иисуслэн Иудеяыс Галилеяе бертэмез бэре та кыкетйез чудо вал, кудзэ Со лэсьтйз.

5 ¹Та бере вал иудейёслэн праздниксы, но лыктйз Иисус Иерусалиме.

²Нош Иерусалимын, Ыж капка дорын, пыласькон инты вань, кудзэ еврейёс Вифезда шуо, кудызлэн вить липем пыронниез вал.

³Отын кыллэ вал тросс висись, синтэм, чут, лябомем калык, кудъёсыз витё вал вулэсь бугыръясськемзэ,

⁴малыке шуоно ангел куд дыръя васькальяз пыласькон интые, но бугыръясськытылйз вуз, но кин нырысь ик отчы пырылйз ву бугыръясськыны кутскем берэ , котькуд висёнъёслэсь катъясськылйз.

⁵Вал отын одйг адями, кудыз висе вал куамын тямьс ар.

⁶Иисус, адъиз солэсь кыллемзэ но тодйз со татын кемалась кылле ни шуыса, вера солы:"Катъясськемед потэ-а?"

⁷Висись вера солы:"Бен Господиң, нош өвёл адями, кудыз монэ лэзьысал пыласьконние, ву бугыръясськыны өдъяку. Нош куке мон лыктйсько, мукетыз васькемын ини мынысьтым вазьгес"

⁸Иисус шуиз солы:"Басьты валескотырде но мын".

⁹Но со сокуспын ик катъясськиз, басьтйз валескотырзэ но мынйз. Ваньмыз та вал субботае,

¹⁰соин ик иудейёс катъясськемлы веразы:"Туннэ суббота. Уг яра валескотырде нуыны".

¹¹Со пумитазы вераз:"Кин монэ катъяз, Со шуиз мыным:"басьты валескотырде но мын"

¹²Солэсь юало:"Кин Со адями, кудыз шуиз тыныд:"басьты валескотырде но мын?"

¹³Катъясськем адями уг тоды вал, кин Со, нош Иисус ватскиз калык пöлы, кудыз вал со интыын.

¹⁴Со бере Иисус пумитаз сое храмын но шуиз:"Тон катъясськид, отйяз эн нй лэсьты сьöлык, медаз луы уродгес вазьлөезлэсь".

¹⁵Со адями мынйз но вераз иудейёслы, сое катъяс - Иисус

¹⁶Но өдъязы иудейёс уल्याны но преследовать карыны Иисусзэ субботае лэсьтэ шуыса сьче ужъёс.

¹⁷Иисус нош соолы вераз:"Мынам Атае озы лэсьтэ, мон но лэсьтйсько"

¹⁸Иудейёслэн тужгес но виемзы потйз Иисусзэ, субботаез кулэтэм каремезлэсь гинэ öвол, но Инмарез Аслаз Атаез шуэмезлэсь, Асьсэ Инмарен одигкадь лэсьтөмез понна.

¹⁹Та пумысен Иисус шуиз:"Зэм ик, зэм ик верасько тйлед, Пи номыре но уз быгаты лэсьтыны Аслэсьтыз Ачиз, öз ке адзы Атаезлэсь лэсьтөмзэ: мае Со лэсьтэ, Пиез но сое ик лэсьтэ.

²⁰Уго Атаез яратэ Пизэ но возматэ Солы ваньзэ. мае Ачиз лэсьтэ, но возматоз Солы талэсь бадзымгес ужъёс, ти паймоды аль.

²¹Уго кызы Атай кулэмъёсты улзйтыя но сётэ улон, озы ик Пи сётэ улон, кинлы сётөмез потэ.

²²Уго Атай нокинэ но уг судья, нош вань судзэ Пиезлы сөтйз,

²³ваньмыз мед лыдъяськозы шуыса Пиеныз, кызы лыдъясько Атаеныз. Кин уг лыдъяськы Пиен, со уг лыдъяськы Атаен, кудыз келяз Сое.

²⁴Зэм ик, зэм ик верасько тйлед:" кин кылзйське Мынысьтым кылъёсме но оске Монэ Келясьлы, солэн пумтэм-быронтэм улонэз вань, судэ но со уг лыкты, нош вамыштйз кулонысь улонэ.

²⁵Зэм ик, зэм ик верасько тйлед:"матөктэ ини дыр, вуиз но ни, куке кулэмъёс кылозы Инмарлэн Пиезлэсь куаразэ но,кылыса, улзйса султозы.

²⁶Кызы Атайлэн вань улонэз Аслыз Ачиз, озы ик Пиезлы но сөтйз улон Аслыз Ачиз.

²⁷Но сөтйз Солы власть судить карыны, малыке шуоно Со - Адямилэн Пиез.

²⁸Эн паймелэ солы, малыке шуоно вуз дыр, кукe ваньмыз, кин вань шойгуосын, кылозы куаразэ Инмарлэн Пиезлэсь,

²⁹но потозы жеч лэсьтйсьёс, улон улёнэ, нош лек лэсьтйсьёс - судлэн улёназ.

³⁰Мон номыре но уг быгатйськы лэсьтыны Ачим Аслэсьтым. Кызы кылйсько, озы ик судить карисько, но Мынам судэ шонер, уг Аслысьтым воляме уг утчаськы, нош Монэ келясь Атаелэсь волязэ.

³¹Мон верасько ке Асьме Ачим сярысь, соку Мынам вераме шонер өвёл

³²Вань мукетыз Мон сярысь верась, но Мон тодйсько, зэм шуыса со верам, кудыныз Со Мон сярысь вера.

³³Тй келяляды Иоанн доры, но со валэктыса вераз зэмлык сярысь

³⁴Озы ке но, Мон адымилэсь верамзэ уг басьтйськы, нош верасько тae, тй мед мозмоды шуыса.

³⁵Со вал югыт карись, кудыз жуаз но югыт кариз, нош тйляд ичи дыр куспын шулдыръяськемды потйз солэн югытэзлы,

³⁶Нош Мынам трогес веранэ Иоаннлэсь, уг ужёс, кудзэ Атае сётйз Мыным быдэстыны, та ужёс, кудзэ Мон лэсьтйсько, Мон сярысь верало, Атае Монэ келяз шуыса.

³⁷Но Монэ келясь Атае Ачиз вераз Мон сярысь.Нош тй Солэсь куаразэ но ноку но өд адзылэ, тусбуйзэ но өд адзылэ,

³⁸но өвёл тйляд Солэн кылыз, кудыз тй пучкын луыны кулэ, малыке шуоно тй уд оскиське Солы, Кинэ Со келяз.

³⁹Сэртгэ-пергче Писаниеосты, малыке шуоно тй малпаськоды соос пыртй басьтыны пумтэм-быронтэм улон, нош соос верало Мон сярысь

⁴⁰Нош тйляд лыктэмды уг пон Мон доры, вечной улонлы

⁴¹Калыклэсь данзэс уг басьтйськы,

⁴²нош тодйсько тйледлы:тй пушкын өвёл Инмарез яратон.

⁴³Мон лыктй Мынам Атаелэн нимыз понна, но кулэ уд кариське Монэ, нош кинке лыктоз ке аслаз нимыз понна, соку сое кулэ кароды.

⁴⁴Кызы тй быгатйськоды оскыны, кукe одйг огдылэсь кулэ кариськоды данзэ, нош Одйго Инмарлэсь данзэ, уг утчаське?

⁴⁵Эн малпалэ, Мон лыктй шуыса янгыше уськытыны тйледлы Атае азын: вань тйляд янгыше уськытйсьты, Моисей.

⁴⁶Тй оскысалды ке Моисейлы, соку оскысалды Мыным, малыке шуоно со гожтйз Мон сярысь.

⁴⁷Солэн гожтэмъёсызлы ке уд оскиське, кызы оскоды Мынам кылъёсылы?"

6 ¹Со бере Иисус мынйз Галилейской морелэн муке палаз Тивериада ёросэ.

²Со съёры тросс калык мынэм, малыке шуоно аджиллям чудоос, кудъёсэ Со лэсьтылйз висисьёс вылын.

³Иисус тубем гурезе но отчы пуксем Аслаз дышетскисьёсыныз.

⁴Матэктэ нй вал Пасха - иудейёслэн празниксы.

⁵Иисус, сингёссэ жутыса, аддиз трос калык лыктэ Со доры, но вера Филипплы:"Кытысь асьмеос басьтом нянь, вань калыкез сюдон понна?"

⁶Нош вераз озь, эскерон вылысь сое, малыке шуоно Солэн вал малпанэз кызы лэсьтыны.

⁷Филипп вераз Сола:"Котькудызлы ожыт ке но нянь сётоно ке, кык сю динарий коньдон но уз тырмы нянь басьтыны".

⁸Одйгез Солэн дышетскисез, Андрей, Симон Пётрлэн выныз, шуэ Сола:

⁹"Татын вань одйг пияшлэн вить йыды нянез но кык чёрыгез, мар со тамында калыклы?"

¹⁰Иисус шуиз:"Косэлэ соосты пуксыны". Со интыын вал тросс турын. Вить сюрс пала адямиос пуксизы турын былэ.

¹¹Иисус, басьтыса нянь тау кариз Инмарлы, сётйз дышетскисьёсызлы, дышетскисьёсыз - пукисьёслы, озьы ик чёрыгъёсты сётчаз соослы, кинлэн кбня мылыз потйз.

¹²Куке ваньмызлэн кётсы тыриз, шуиз Аслаз дышетскисьёсызлы:"Люкалэ кылемзэ нянь юдэсьёсты, номыре но медаз быры шуыса".

¹³Но люказы, но тырмытйзы дас кык куды юдэсьёсын вить йыды няньлэсь, сиисьёслэсь кылемзэ.

¹⁴Соку калыкъёс, аддизы Иисуслэсь лэсьтэм чудозэ но шуизы:"Та адыми, зэм ик но пророк, кудыз лыктыны кулэ вал дунне былэ".

¹⁵Нош Иисус, тодйз дораз лыктыны медо но пуктыны малпало Сое Царен шуыса, выльысь кошкиз гурезе.

¹⁶Куке вуиз жыт, Солэн дышетскисьёсыз васькизы море дуре

¹⁷но пуксыса лодкае, потйзы морелэн мукет палаз, Капернауме. Пеймыт кариськиз, нош Иисус уг лыкты соос доры.

¹⁸Пельтйз төл, но морейн жутскизы тулкымъёс.

¹⁹Уяса вить - куать иськем, соос аддизы Иисусэз, кудыз матэктэ нй вал лодка доры море былтй вамышгъяса, но кышказы.

²⁰Нош Со шуиз соослы:"Мон Со. Эн кышкалэ".

²¹Соос малпало вал Сое лодкае пуктыны - но со куспын ик лодка яр доры вуиз, кудыз доры уяло вал.

²²Чуказеяз, мукет палаз морелэн сылйсьёс, аддизы, отын одйг гинэ лодка сяна ой вал шуыса, но отчы пыризы Солэн дышетскисьёсыз гинэ огнязы, но уяса потйзы соос Иисустэк.

²³Со куспын лыктйзы Тивериадаысь мукет лодкаос матэ со интые, кытын соос сиизы нянь, кудзэ Кузё Инмар благославить кариз.

²⁴Куке калык аддиз, татын өвёл шуыса Иисус но Солэн дышетскисьёсыз но, пыризы лодкаосы но уяса потйзы Капернауме, Иисусэз утчаны.

²⁵Но, шедьтыса Сое мукет палаз морелэн, шуизы Сола:"Равви! Ку Тон татчы лыктйд?"

²⁶Иисус вераз соослы пумитазы:"Зэм ик, зэм ик верасько тйлед: тй уд утчаське Монэ, чудосты аддиды шуыса, нош утчаськоды нянь сииды но кётты тыриз шуыса.

²⁷Эн ужалэ сисьмыса бырысь сиён понна, нош ужалэ сиён понна, кудыз кылёз пумтэм-быронтэм улонын, кудзэ сётэз тйлед Адымилэн Пиез, Со былэ уго пуктйз Аслэсьтыз печатьсэ Атай Инмар",

²⁸Соку Солэсь юазы:"Мар милем лэсьтоно, быдэстыны понна Инмарлэсь ужъёссэ?"

²⁹Иисус вераз соослы пумитазы:"Тани Инмарлэн ужез: тй мед оскоды Солы, Кинэ Со келяз".

³⁰Солы шуизы:"Кыће Тон тодмет лэсьтод: мед ми оскомы шуыса Солы, Кинэ Со келяз".

³¹Атайёсмы сиылызы манна пустыняын, кызы гожтэмын "нянь инмысь сётйз соослы сиыны".

³²Иисус нош вераз соослы:"Зэм ик, зэм ик верасько тйлед:Моисей өз сёты нянь инмысь, нош Мынам Атае сётэ тйлед зэмос нянь инмысь.

³³Уго Инмарлэн Нянез вань Со, Кудыз ваське инмысь но сётэ дуннелы улон".

³⁴Талы шуизы Солы:"Господин! Сётч милем котьку сыће нянь".

³⁵Иисус нош шуиз соослы:"Мон - улонлэн нянез, Мон доры лыктйсьлэн кётыз уз сюма, но Мыным оскисьлэн сюэз ноку но уз куасьмы.

³⁶Нош Мон шуи тйлед, тй адзылйды Монэ, но уд оскиське.

³⁷Ваньзэ, мае сётэ Мыным Атае, Мон доры лыктоз, но Мон доры лыктйсьсэ уг улля,

³⁸малыке шуоно Мон ой васькы инмысь, Аслэсьтым воляме быдэстыны, нош васьки, Монэ келясь Атаелэсь волязэ быдэстыны.

³⁹Монэ келясь Атаелэн воляез сыће, мае Со Мыным сётйз, номыре но медам быры, нош ваньзэ сое улзытыны берпуметй нуналэ.

⁴⁰Монэ келясь Атаелэн воляез сыће, котькудыз кин адже Пиез но оске Солы, басьтэ пумтэм-быронтэм улон но Мон улзыто сое берпуметй нуналэ.

⁴¹Солэн верамысьтыз:"Мон - инмысь васькем нянь", иудейёс одъязы роптать карыны Со вылэ.

⁴²Но вераллязы:"Өвёл-а со Иисус, Иосифлэн пиез, атайзэ но анайзэ но кудызлэсь ми тодйськом? Кызы бен Со вера:"Мон васьки инмысь?"

⁴³Иисус шуиз соослы пумитазы:"Одйг огеныды роптать эн каре.

⁴⁴Нокин но уз быгаты лыктыны Мон доры, өз ке сое оты Атай, кудыз келяз Монэ, но Мон улзыто сое берпуметй нуналэ.

⁴⁵Пророкёслэн гожтэмын"ваньмыз дышетэмын луозы Инмарен".Котькудыз кин кылйз но дышетскоз Атайлэсь, лыктоз Мон доры.

⁴⁶Со өвёл озы, кинке адйиз нй шуыса Атаез, Кин Инмарлэсь - Со гинэ адзылйз Атаез.

⁴⁷Зэм ик, зэм ик верасько тйлед: кин оскоз мыным, солэн луоз пумтэм-быронтэм улонзэ.

⁴⁸Мон-улонлэн нянез.

⁴⁹Атайёсты сиизы манна пустыняын но кулйзы.

⁵⁰Нош нянь, инмысь васькемез, сыће: кин сое сиейз уз кулы.

⁵¹Мон инмысь васькем луло нянь.Кин сие со нянез, улос пумтэм-быронтэм улонын.Нош нянь кудзэ Мон сёто Мынам мугоры, кудзэ Мон сёто дуннелэн улонзэ понна".

⁵²Соку иудейёс ѓдъязы вожвы лъяськыны куспазы, вераса:"Кызы Со сётыны быгатоз милем сиыны Аслысьтыз Мугорзэ?"

⁵³Иисус нош вераз соослы:"Зэм ик, зэм ик верасько тйлед: ѓд ке сие Адымилэн Пиезлэс Мугорзэ но ѓд ке юз Солэс Вирзэ, соку уз луы тйляд пушкады улонды.

⁵⁴Со, кин сие Мынысьтым Мугорме, но кин юз Мынысьтым Вирме, солэн вань пумтэм-быронтэм улонэз, но Мон сое берпуметй нуналэ кулэмысь улыто.

⁵⁵малыке шуоно Мынам мугоры - зэмлык сиён, но Мынам Виры - зэмлык юон.

⁵⁶Со, кин сие Мынысьтым Мугорме но юз Мынысьтым Вирме, Мон пушкын улэ, но Мон со пушкын.

⁵⁷Кызы келяз Монэ улэп Атай, но Мон Атаеным улйсько, озы ик со, кин сие Монэ, улоз Монэным.

⁵⁸Со ик вань нянь, кудыз васькиз инмысь.Со ѓвѓл манна кадъ, кудзэ сиизы тйляд атайёсты но кулйзы: кин сиёз та нянез, улоз пумтэм - быронтэм улонын".

⁵⁹Сое вераз Со синагогаын, дышетыса Капернаумын.

⁶⁰Тросэз Солэн дышетскисьёсыз, кылъыса тае шуылйзы:"Кыче визьтэмесь кылъёс! Кинлэн кылскемез потэ тае?"

⁶¹Нош Иисус, пушказ тодыса, Солэн дышетскисьёсыз роптать каро шуыса, шуиз соослы:" Тйледыз та чѓмтаськытэ?

⁶²Нош мар луоз, куке тй адъёды Адымилэс Пизэ, куке Со тубоз отчы, кытын вал азьло?

⁶³Дух сѓтэ улон, нош мугор пайда уг сѓты. Кылъёсты, кудъёсз Мон верасько тйлед, - дух но улон.

⁶⁴Нош вань тй пѓлын куд оgez оскисьтѓмъёсыз" Уго Иисус ѓдъяназ ик тодэ вал, кин уг оскы но кин вузалоз Сое.

⁶⁵Но шуиз:"Соин ик вералляй Мон тйлед, нокин но уг быгаты лыктыны Мон доры, со сѓтѓмын ѓз ке луы солы Мынам Атаелэс".

⁶⁶Со дырысен тросэз Солэн дышетскисьёсыз кошкызы Со дорысь но ѓз ни ветлэ Соин.

⁶⁷Соку Иисус шуиз Даскыкъёслы:"Тйляд но кошкемды уг а поты?"

⁶⁸Симон Пѓтр вераз Солы:"Господи!Кин доры ми мыныны кулэ? Тынад вань пумтэм-быронтэм улонлэн кылъёсыз",

⁶⁹но ми оскимы но тодймы, Тон Христос - улэп Инмарлэн Пиез".

⁷⁰Иисус шуиз соослы:"Дас кык ѓй а бырйы Мон тйледыз?Нош одйgez тй пѓлысь-дъявал"

⁷¹Сое вераз Со Симонлэн пиезлэн Иуда Искариот сярысь, кудыз вал Дас кыкъёс пѓлысь но солэн Сое вузамез потэ вал.

7 ¹Со бере Иисус ветлйз Галилеятй, малыке шуон Иудеятй ветлѓмез ѓз поты, иудейёслэн Сое виемзы потѓм муген.

²Матѓктѓ ни вал иудейёслэн Суккот праздниксы.

³Соку Солэн вынъёсыз шуизы Солы:"Кош татысь но мын Иудеяе,Тынад дышетскисьёсыд но мед адъёзы Тынысьтыд ужъѓстѓ.

⁴Малыке шуоно, кинлэнке тодмо луэмез потэ ке, уг лэсьты лушкем.Тон лэсьтиськод ке сыңе ужъёсты, возмат Астэ дуннелы".

⁵Малыке шуоно Солэн вынъёсыз но уг оско вал Солю.

⁶Та верамзылы Иисус шуиз:"Мынам дыры өз на ву, нош тй понна котьку вань.

⁷Тйледды дунне адземпотостэм карыны уг быгат, нош Монэ адземез уг пот, малыке шуоно Мон верасько со сярись, солэн ужъёсыз лекесь шуыса.

⁸Тй мынэ празднике, нош Мон уг-на мын, малыке шуоно Мынам дыры өз-на вуы".

⁹Сое вераса соослы, кылиз Галилеяе.

¹⁰Нош, ку Солэн вынъёсыз лыктйзы, Соку Со но лыктйз празднике лушкем.

¹¹Иудейёс утказы Сое праздникын но юаллязы:"Кытын Со?".

¹²Но вал трос вожвылъяськонъёс калыкын Со сярись: одйгъёсыз вераллязы Со жеч шуыса, мукетъёсыз вераллязы:"өвёл, Со калыкез пъяськоние вутэ".

¹³Озы ке но, нокин но Со сярись шара өз вералля иудейёслэсь кышкаменызы.

¹⁴Нош праздниклэн шор вадесказ Иисус пыриз храме но дышетйз.

¹⁵Но паймылйзы иудейёс но шуылйзы:"Кызы Со сыңе жеч тодэ Писаниез, дышетскытэк?"

¹⁶Солы пумитазы Иисус шуиз:"Мынам дышетэме - Мынам өвёл, нош Монэ Келясьлэн,

¹⁷кинлэн быдэстэмез потэ Солэсь волязэ, со валалоз: та дышетон Инмарлэсь яке Мон Ачим верасько Аслысьтым.

¹⁸Кин вера аслысьтыз ачиз утча аслыз дан, нош Кин утча дан Сое Келясьлы, Со зэмлыко, Со пушкын шонертэмез өвёл.

¹⁹Моисей өз-шат сёты тйледлы закон? Нош нокин но тй пöлысь законъя уг улы. Ма понна виемды потэ Монэ?"

²⁰Калык пумитаз вераз:"Тон пушкын демон өвёл-а? Кинлэн виемез потэ Тонэ?"

²¹Соослы пумитазы Иисус шуиз:"Мон одйг уж лэсьтй, но тй ваньды паймиськоды.

²²Моисей сётйз тйледлы обрезание(со Моисейлэсь ой вал ке но, нош атайёслэсь), но субботае тй обрезание лэсьтиськоды адямиослы.

²³Субботае адями лэсьтэ ке обрезание, Моисейлэсь законзэ тйяно медаз лу шуыса,- нош малы Мон вылэ ойркурьяськиськоды, Мон адямиез быдэсак катяй шуыса субботае?

²⁴Эн судить каре тусызъя, нош шонерлыко судэн судить каре".

²⁵Со дыре куд оgez Иерусалимысь ульсьёс вераллязы:" Öвёл-а бен Та Адями, Кудзэ виыны утчалоз?

²⁶Со шара вераське, но номыр но уг верало Солю: оло кивалтйсьёс зэм ик но валазы, Со Христос шуыса?

²⁷Ми тодйськом Сое, кытысь Со; Христос нош ку лыктоз, нокин но уз тоды, кытысь Со".

²⁸Соку Иисус, храмын дышетыкуз, кеськыса вераз:"Тодйськоды Монэ но тодйськоды кытысь Мон.Мон ой лыкты Аслысьтым Ачим, нош вань Монэ Зэмс-Келясь, кудзэ тй уд тодйське.

²⁹Мон тодйсько Сое, малыке шуоно Мон Солэсь, но Со келяз Монэ".

³⁰Но кутэмзы потэ вал Сое, нош нокин өз куты Сое, малыке шуоно Солэн дырыз өз на вуы.

³¹Калык пöлысь нош тросэз оскизы Солы но вераллязы:"Куке лыктоз Христос, лэсьтоз шат тросгез тодметъёс, Та Адымилэн лэсьтэмезлэсь?"

³²Фарисейёс кылйзы сыёе вераськонъёсты Со сярысь, но соку фарисейёс но первосвященникъёс келязы ляльчиоссэс кутыны Сое.

³³Иисус нош шуиз соослы:"Трос өз нй кылы Мыным тйленыд луыны, но мон мыно Монэ Келясь доры.

³⁴Утчалоды Монэ, но уд шедьтэ,

³⁵Сое кылыса, иудейёс вераллязы одйг огзылы:"Кытчы Со малпа мыныны, кытысь ми Сое ум шэдьтэ? Уг-а меда Со малпа мыныны грек городъёсы, кытын уло асьмелэн калыкмы но дышетыны грекъёсты?

³⁶Мар сярясь со кылъёс, кудъёссэ Со вераз:"утчалоды Монэ, но уд шэдьтэ, кытын Мон луо, отчы тй уд быгатэ лыктыны?"

³⁷Быдъым праздниклэн берпуметй нуналаз Иисус кесъкыса вераз:"Кинлэн сюэз куасьме, лыкты Мон доры но ю.

³⁸Кин оске Мыным, кызы верамын Писаниын, солэн пушкысьтыз бызёзы луло вуэн шуръёс"

³⁹Тае Со вераз Дух сярысь, кудзэ басьтозы Солы оскисьёс: уго соос вылын ой вал но Святой Дух, малыке шуоно Иисус данъямтэ но вал.

⁴⁰Тросэз калык кылыса та кылъёсты шуылйзы:"Зэм но Со пророк".

⁴¹Мукетъёсыз вераллязы:"Со - Христос". Нош мукетъёсыз вераллязы:"Христос лыктоз шат Галилеяысь?

⁴²Өвöl шат верамын Писаниын, Христос луоз шуыса Давидлэн выжыысьтыз Вифлеем городысь?"

⁴³Озы калыкъёс люкиськиз Со сярысь пöртэм малпанъёсын.

⁴⁴Куд оgez соос пöлысь тышо вал Сое кутыны, нош нокин но Сое өз иса.

⁴⁵Соин ик ляльчиос бэртйзы фарисейёс но первосвященникъёс доры но соослэсь юазы:"Малы тй öд вае Сое?"

⁴⁶Ляльчиос шуизы:"Ноку но адыми өз на вераськы, кызы Со вераське".

⁴⁷Фарисейёс шуизы соослы:"Тйледыз но шат пöязы?

⁴⁸Кинъёс - ке кивалтйсьёс яке фарисейёс пöлысь оскизы шат Солы?

⁴⁹Та калык уг тоды законэз соин ик со проклять каремы".

⁵⁰Одйгез соос пöлысь, Никодим, уйин Иисус доры лыктылись, вера соослы:

⁵¹" Асьмелэн Законмы адымиез янгыше уськытэ-а, адымиез кылзиськытчэзь но тодытозь мар лэсьтэмзэ?"

⁵²Солы веразы:"Галилеяысь өвöl-а тон? Сэртты-пертчы но тод, Галилеяысь пророк уг лыкты шуыса".

⁵³Но ваньмыз кошкизы гуртъёсазы.

8 ¹Иисус Елеон гурезе мынйз.

²Нош ёукна выльысь лыктйз храме, но вань калык лыктйз Мо доры. Со пуксиз но öдъяз дышетыны.

³Татын фарисейёс но книжникъёс ваизы калгись кузпалъяськем кышномуртэз, кудыз кутэмын вал съёлык лэсьтыкуз, но, пуктыса сое шор вадескы,

⁴шуиз Сола:"Дышетись! Та кузпалъяськем кышномурт кутэмын вал калгон съёлык лэсьтыкуз.

⁵Моисей законын косйз асьмеды сыёеосты, изэн зиръяса виыны, нош Тон ма вералод?

⁶Вераллязы озьы, эскерыса Сое, мед луоз шуыса муг янгыше уськытыны. Нош Иисус, улие мыкырскыса, чиньыеныз гожъяз музъем вылэ, кылэм-адъеи но соосты карытэк.

⁷Куке азылантьйзы юалляськын Сое, Со, йырзэ жутыса, шуиз соослы:"Кудызлэн тй пöлысь öвöл съöлыкез, нырысь ик зйрты солы изэн".

⁸Но нош ик, улие мыкырскыса, гожъяз музъем вылэ.

⁹Соос нош, тае кылыса но возытсы соосты янгыше уськытыса, бадъёмысен öдъяса, оген оген кошкылйзы,

¹⁰Нош Иисус, йырзэ жутйз но, нокин но öвöл, кышномурт сяна, но шуиз солы:"Кышномурт! Кытын тынад янгыше уськытисьёсид? Нокин но тонэ судить оз кары-а?"

¹¹Со вераз:"Нокин но, Господи". Иисус шуиз солы:"Мон но тонэ судить уг кариськы. Мын но отйяз съёлык зн лэсьты ни".

¹²Нош ик Иисус вералляз калыклы но шуиз соослы:"Мон - дуннелы югдытись. Кин мыноз Мон съöры, со уз ветлы пеймытын, нош солэн луоз улонлэн югытэз".

¹³Соку фарисейёс шуизы Сола:"Тон вераськод Ачид Ачид сярись, соин ик Тынад верамед шонер öвöл".

¹⁴Иисус пумитазы вераз:"Мон верасько ке Ачим Ачим сярись, мынам вераме шонер, малыке шуоно Мон тодйсько, кытысь лыктй но кытчы мынйсько, нош тй уд тодйське, кытысь Мон но кытчы мынйсько

¹⁵Тй судить кариськоды мугоръя, нош Мон нокинэ но судить уг кариськы.

¹⁶Мон судить карисько ке но, Мынам судэ шонер, малыке шуоно Мон öвöл огням, нош Мон но Атае, кудыз келяз Монэ".

¹⁷Тйляд законады но гожтэмын уг, кык муртлэн шара верамез шонер шуыса.

¹⁸Мон ачим верасько Ачим сярись, но вера Мон сярись Атае, кудыз келяз Монэ".

¹⁹Солы пумитаз веразы:"Кытын Тыад Атаед?" Иисус вера:"Тй уд тодйське Монэ но Мынысьтым Атайме но. Тй тодысалды ке Монэ, соку тодысалды Мынысьтым Атайме но".

²⁰Та кылёсты Иисус храмын дышетыкуз вераз ваньбур возённи дорын, но нокин но öз куты Сое, малыке шуоно öз на ву Солэн дырыз.

²¹Нош ик Иисус шуиз соослы:"Мон кошкисько, но угчалоды Монэ, но кулоды асьтэлэн съöлыкъёсады. Кытчы Мон мынйсько, отчы тй уд быгатйське лыктыны".

²²Отын иудейёс шуизы:"Оло Со Асьсэ Ачиз виыны чакла, куке вера"кытчы Мон мынйсько, тй уд быгатйське лыктыны?"

²³Со вераз соослы:"Тй улийослэн, Мон вылийослэн. Тй та дуннелэн, Мон öвöл та дуннелэн.

²⁴Соин ик Мон верай соослы, тй кулоды шуыса съöлыкъёсады. Бен уд ке оске, Мон со шуыса, соку кулоды асьтэлэн съöлыкъёсады".

²⁵Соку шуизы Сола:"Кин бен Тон? Иисус шуиз соослы:"Со кин, кутсконысен ик вералляз Асьсэ.

²⁶Тросс вань, мар вераны но судьяны тй сярсы, нош Монэ Келясь зэмлыко, но мар Мон кылй Солэсь, сое ик верасько дуннелы".

²⁷Оз валалэ, Со вера шуыса Атаез сярсы.

²⁸Озыен, Иисус шуиз соослы:"Куке жутоды Адымилэсь Пизэ, соку тододы, Мон со шуыса но номыре но уг лэсьтйськы шуыса Аслэсьтым, нош кызы дышетйз Монэ Мынам Атае, озы ик верасько.

²⁹Монэ келясь Монэным, Атае өз кельты Монэ огняме, малыке шуон Мон котьку лэсьтйсько сое, мар Сола кельше".

³⁰Куке Со вералляз тае, тросэз оскизы Сола.

³¹Соку Иисус шуиз иудейёслы, кудъёсыз Сола оскизы:"Мынам кылам улоды ке, соку тй зэмоз Мынам дышетскисёсы,

³²но тододы зэмлыкез, но зэмлык лэсьтоз тйледды эрико".

³³Сола пумитаз веразы:"Ми Авраамлэн выжысытыз, ноку но нокинлы но ми раб луыса өм улэ, кызы Тон вераськод "луоды эрико?"

³⁴Иисус шуиз соослы:"Зэм ик, зэм ик, верасько тйлед:котькудыз, кин лэсьтэ сёллык, со сёллыклен рабез.

³⁵Раб уг кылы коркан пыраклы. Нош Пи пыраклы кыле.

³⁶Соин ик, Пи мозмытйз ке тйледды, зэм ик эрико луоды.

³⁷Тодйсько тй Авраамлэн выжыез шуыса, озы ке но угчаськоды Монэ виыны, малыке шуоно Мынам кылы пырыны уг быгаты тй пушкы.

³⁸Мон верасько сое, мае адйи Асмам Атаелэсь, нош тй вераськоды, мае адйиды астэлэн атайдылэсь.

³⁹Солэн пумитаз веразы:"Милям атаймы - Авраам". Иисус шуиз соослы:" Тй луысалды ке Авраамлэн нылпиосыз, соку лэсьтысалды Авраамлэсь ужъёсэ.

⁴⁰Та бере виемды потэ Монэ. Адымиез, кудыз вераз тйледды зэмлыкез, кудзэ кылйз Инмарлэсь: Авраам озы өз лэсьтылы.

⁴¹Тй лэсьтйськоды ужъёсэ асьтэлэсь атайдылэсь". Та пумысен Сола веразы:"Ми калгон сёллыклэсь вордскем нылпиос өвёл. Одыг милям Атаймы, Инмар".

⁴²Иисус шуиз соослы:"Тйляд Атайды луысал ке Инмар, соку тй яратысалды Монэ, малыке шуоно Мон Инмарлэсь потй но лыктй, Мон ой лыкты Ачим Аслэсьтым, нош Со келяз Монэ.

⁴³Малы тй уд валасье Мынысьтым верм кылме? Малыке шуоно уд быгатйське кылыны Мынысьтым веранме.

⁴⁴Тйляд атайды дьявол, но тйляд лэсьтэмды потэ мылкыд потэмзэ асьтэлэсь атайдылэсь. Со кутсконысен ик адыми виись вал, зэмлыкын сылыны өз быгаты, малыке шуоно со пушкын зэмлык өвёл. Пёяса веракуз, со вера аслэсьтыз, малыке шуоно со пёяляськись но пёяляськонлен атаез.

⁴⁵Нош ку Мон верасько тйлед шонерзэ, уд оскиське Мыным.

⁴⁶Кин тй пёлысь вералоз он пёяляськисько шуыса? Мон верасько ке шонер, малы тй уд оскиське Мыным?

⁴⁷Кин Инмарлэсь, со кылзйське Инмарлэсь кылъёсэ. Тй Инмарлэн өвёл, соин ик уд кылкиське".

⁴⁸Иудейёс та пумысен веразы Сола:"Ми шонер вераллям, Тон - самарянин но Тон пушкын демон?"

⁴⁹Иисус верам:"Мон пушкын өвөл демон, но Мон гажасько Мынысьтым Атайме, нош тй урод кариськоды Монэ.

⁵⁰Озы ке но, Мон уг утчаськы Аслысьтым данме: вань Утчась но Судить карись.

⁵¹Зэм ик, зэм ик верасько тйлед: кин Мынысьтым кылме быдэсьялоз, со ноку но кулонэз уз адзы".

⁵²Иудейёс шуизы Солы:"Табере ми тодймы, Тон пушкын демон, Авраам но пророктьёс кулйзы, нош Тон вераськод" кин быдэстоз Мынысьтым верамме, ноку но кулонэз уз адзы шуыса".

⁵³Тон бадзымгес шат, Авраамлэсь - милям атаймылэсь, кудыз кулйз? Пророктьёслэсь но кулйзы: кинэн лыдзяськод Тон Астэ?"

⁵⁴Иисус вералляз:" Мон Асме Ачим ке данъясько, соку данэ Мынам - номырлы уг яра. Монэ данъялоз Мынам Атае, Кудыз сярись тй вераськоды, Со тйляд Инмарды шуыса.

⁵⁵Тй өд тодэ Сое нош Мон тодйсько Сое, верай ке уг тодйськы шуыса, соку луо пöялляськись, тй кадь ик.Нош Мон тодйсько Сое, но быдэстйсько Солэсь куронэз.

⁵⁶Авраам - тйляд Атайды, шум потыса ик адзёмез потэ вал Мынысьтым нуналме, но адзиз, но шум потйз".

⁵⁷Иудейёс шуизы:"Тыныд өвөл на витътон арес но,- но Тон адзиз ни Авраамез"

⁵⁸Иисус шуиз соослы:"Зэм ик, зэм ик верасько тйлед :Авраамлэсь азьло Мон вал ини".

⁵⁹Соку басьтйзы изьёс, Со вылэ зйртынон вылысь, нош Иисус вадскиз но потйз храмысь, соос пыртй но кошкиз мукет интые.

9 ¹Но мыныкуз, адзиз адымиез, кудызлэн синмыз уг адзы вал вордйськем дырысеныз.

²Солэн дышетскисьёсыз юазы Солэсь:"Равви! Аслаз-а, солэн анай-атайёсызлэн-а, съöлык лэсьтэменызы, со синтэм вордйськиз?"

³Иисус вераз:"Со но, солен анай-атайёсыз но, съöлык öз лэсьтэ. Нош ваньмыз озы луиз, Инмарлэн ужъёсыз мед быдэсмозы шуыса со вылын.

⁴Нуназе бырытозь, Мон ужъёссэ лэсьто Монэ Келясьлэсь. Уй вуэм бере нокин-но уг нй ужа.

⁵Дуннеын улытозям, Мон дуннелы югыт карись".

⁶Тае вераса, слязиз музъем вылэ, лэсьтйз дэри слялысьтыз но зыраз синъёссэ синтэмлэсь,

⁷но шуиз солы:"Мын пыласькы Силоам пыласьконниын, кудызз "келямын" шуыны луэ. Со мынйз но пыласькиз, но лыктйз адзись луыса.

⁸Соку бускельёсыз но кин тодэ со синтэм вал шуыса вераллязы:"Öвөл-а со синтэм, кудыз кураське вал?"

⁹Одигъёсыз шуылйзы:"Со", нош мукетъёсыз:"Солэн тусыз вань". Нош со шуылиз:"Мон со".

¹⁰Соку юаллязы солэсь:"Кызы учкизы тынад синъёсыд?"

¹¹Соослы со озы шуиз:"Иисус нимо адыми лэсьтйз дэри, но зыраса мынысьтым синъёсме шуиз "Силоам пыласьконни мын но пыласькы". Мон мынй, пыласьки но синмы адзыны кутскиз".

¹²Соку юазы солэсь:"Кытын Со?" Со соослы:"Уг тодйськы".

¹³Нуизы азьло синтэм адымиез фарисейес доры.

¹⁴Вал суббота, Иисус кук лэсьтйз дэри но усьтйз солэсь синъёсэ.

¹⁵Озы ик фарисейёс но юазы солэсь кызы со адзыны кутскиз. Со шуиз соослы: "Со понйз дэри мынам синъёсы былэ, мон пыласки но адзыны кутски".

¹⁶Соку куд-ог фарисейёс шуизы: "Инмарлэсь өвёл та адыми, малыке шуоно субботаез уг уты". Мукетъёсыз шуылйзы: "Кызы съёлыко адыми быгатоз лэсьтыны сыче чудоос?" Но соос куспын вожвылъяськонъёс кылдйзы.

¹⁷Нош ик юало азьло синтэмлэсь: "Со усьтйз тынэсьтыд синъёстэ: мар тон вералод Со сярэсь?" Со шуиз: "Со пророк".

¹⁸Соку иудейёс өз оске солэн синъёсыз уг адже вал но адзыны кутскизы шуыса, азьло синтэмлэсь анай-атайёсэ отытчезь

¹⁹но юазы соослэсь: "Со-а тйляд нылпиды, кудыз сярэсь тй вералляды со синтэм вордйськиз шуыса? Кызы нош али со адже?"

²⁰Солэн анай-атаёсыз веразы соослы: "Ми тодйськомы со милям нылпимы но вордйськиз синтэм шуыса,

²¹нош кызы со адзыны кутскиз, ум тодйське, яке кин солэсь синъёсэ усьтйз, ми ум тодйське. Со ачиз бадзым ини, юалэ солэсь, мед ачиз ачиз сярэсь вералоз".

²²Иудейёслэсь кышкаменызы, озы веразы солэн анай-атайёсыз, иудейёс уго кенешизы ини синагогалэсь палэнэ карыны ваньзэсты, кин лыдьялоз Иисусэз Христос шуыса.

²³Соин ик солэн анай-атайёсыз шуизы: "Со бадзым ни, аслысьтыз юалэ",

²⁴Кыкэтйзэ отизы со адымиез, кудызлэн синмыз уг адзы вал, но шуизы солы: "Инмарез данъя. Ми тодйськом, Со адыми съёлыко шуыса".

²⁵Со вераз соослы: "Съёлыко-а Со, мон уг тодйськы, одйгэ тодйсько: мынам синмы уг адзы вал нош али адже ни"

²⁶Нош ик юазы солэсь: "Мар тонэныд Со лэсьтйз? Кызы синъёстэ усьтйз?"

²⁷Со шуиз солы: "Мон тйледлы верай ни, нош тй од кылзйське, мае кылэмды потэ на? Яке тйляд но-а луэмды потэ Солэн дышетскисьёсыз?"

²⁸Соос сое куаретыса веразы: "тон Солэн дышетскисез, нош ми Моисейлэн дышетскисьёсыз!

²⁹Ми тодйськом, Моисеен Инмар вал, нош Тайзэ ум тодйське, кытысь Со.

³⁰Синмыз учкем адыми шуиз: "Со ик паймымон, тй уд тодйське Со кытысь, нош Со усьтйз мынысьтым синъёсме.

³¹Нош ми тодйськом Инмар уг кылзйськы съёлык лэсьтйсьёсты, нош кин Инмарез гажа но быдэстэ Солэсь волязэ - сое кылзэ.

³²Даурлэн кутсконысеныз нокин но өз кылылы на, кинке мед усьтоз синъёсэ синтэм вордйськемлэсь шуыса.

³³Со ой ке луысал Инмарлэсь, соку номыр но лэсьтыны ой быгатысал".

³⁴Соос солэн пумитаз веразы: "Съёлыкъёсын тон вордйськид, тынад-а милемыз дышетоно?" Но уллязы сое педло.

³⁵Иисус, кылыса, сое педло уллямзэс, шедьтйз сое но шуиз: "Оскиськод - а тон Инмарлэн Пиезлы?"

³⁶Со юаз: "Господин, нош кин Со, мон мед оско шуыса Со?"

³⁷Иисус шуиз солы: "Тон адзылйз Сое, но Со вераськиз тонэныд".

³⁸Нош со вераз:"Оскисько, Господи!" Но йыбырттйз Солы.

³⁹Но шуиз Иисус : "Суд лэсьтыны Мон лыктй та дуннее, кин уг адзы вал - мед аджэз, нош кин адже вал - медаз адзы".

⁴⁰Тае кылыса, куд оgez фарисейёс, куджэсыз Соин вал, юазы солэсь:"Ми но шат синтэмесь?"

⁴¹Иисус шуиз соослы:"Тй луысалды ке синтэмесь, соку ой луысал тйляд съолыкжэсты, нош тй шуиськоды, "аджиськом", соку съолык кыле тй вылэ".

10 ¹"Зэм ик, зэм ик верасько тйлед:кин уг пыры ыж азбаре ёсэти, нош кенер вамен тэкчыса пыре, со лушкаськись но разбойник,

²нош ёсэти пырись - ыж возьмась.

³Солы ёс дорын сылйсь уся, но ыжжэс кылзо солэсь куаразэ, со ёте ыжжэссэ нимзыя но нуллэ соосты.

⁴Но куке нуллэ аслэсьтыз ыжжэссэ, мынэ соослэн аспалазы, нош ыжжэсыз со съёры, малыке шуоно соос тодмало солэсь куаразэ.

⁵Мурт съёры уг мыно, пегжэ, малыке шуоно уг тодмало мукет куараез".

⁶Та притчаез вераз Иисус соослы, нош соос өз валалэ, мае Солэн верамез потэ вал.

⁷Нош ик Иисус вераз соослы:"Зэм ик, зэм ик верасько тйлед, Мон - ыжжэслы ёс шуыса.

⁸Ваньмыз кинжэс лыктылйзы Мынам аспалам лушкаськисьёс но разбойникжэс, но ыжжэс өз кылзйське соослэсь.

⁹Мон - ёс: кин пыроз Мон пырти со спастись кариськоз, пыроз но потоз но ыж сион инты но шэдьтоз.

¹⁰Вор лыктэ лушкан, виён но быдтон вылысь. Мон лыктй, мед луоз шуыса улон но пачыл улон.

¹¹Мон - жеч ыж возьмась: жеч ыж возьмась улонзэ сётэ аслаз ыжжэсыз понна.

¹²Нош меджаськыса ужась, ыж возьмась өвёл, ыжжэсыз солэн аслаз өвёл, кион лыктэ ке, кельтэ ыжжэсты но пегжэ, соку кион лушка но пазя ыжжэсты.

¹³Меджаськыса ужась пегжэ, малыке шуоно со меджаськемын, но ыжжэс понна уг чакласькы.

¹⁴Мон - жеч ыжвозьмась, Мон тодмасько аслэсьтымжэссэ, асламжэсыз но Монэ тодмало.

¹⁵Кызы Атае тодэ Монэ, озы ик Мон тодйсько Атайме но улонме сётйсько Аслам ыжжэсы понна.

¹⁶Вань Мынам мукетжэсыз но ыжжэсы, куджэсыз та азбарысь өвёл, соосты Мон вайыны кулэ: соос но кылозы Мынысьтым куараме, но луоз одйг уллё но одйг Ыжвозьмась.

¹⁷Соин ик яратэ Монэ Атае, Мон сётйсько шуыса улонме, выльысь басьтон вылысь.

¹⁸Нокин но уг тала сое Мынысьтым, нош Мон ачим сётйсько сое но власте вань выльысь басьтыны сое. Та заповедэз Мон бастй Аслам Атаелэсь.

¹⁹Та кылжэслэсь нош ик иудейёс пёлын кылдйзы вожвылъяськонжэс.

²⁰Тросэз соос пёлысь вералязы:" Сое демон вормемын но Со визьтэмжаське, мазэ кылзйськоды Сое?"

²¹Мукетгёсыз вералязы:"Та верам кылгёс өвөл демонэн vormем муртлэсь. Быгатоз шат демон синтэмгёсты адзись карыны.

²²Буиз Иерусалимын вьльдйськон праздник, соку вал тол.

²³Но ветлэ вал Иисус храметй, Соломонлэн притвортйз.

²⁴Отын иудейёс котыртйзы Сое но веразы Солы:"Кема-а Тон милемды возёд на тодытэк? Христос ке Тон вера милем мечак".

²⁵Иисус соослы вераз:"Мон верай тйлед нош тй өд оске.Ужгёс, кудгёссэ Мон лэсьтйсько Мынам Атаелэн нимыз понна - соос Мынам свидетельствоосы.

²⁶Нош тй уд оскиське, малы ке шуоно тй өвөл Мынам ыжгёсы пöлысь, кызы Мын верай тйледлы.

²⁷Мынам ыжгёсы кылзйсько Мынам куараелэсь, Мон тодйсько соосты, но соос мыно Мон сёры.

²⁸Но Мон сётйсько соослы пумтэм-быронтэм улон, ноку но уз кулэ, но нокин но уз лушка соосты Мынам Атаелэн кийсьгыз.

²⁹Атае Мынам, Кудыз сетйз Соосты Мыным, ваньмызлэсь баджым, но нокин но уз быгаты лушканы соосты Мынам Атаелэсь кийсьгыз.

³⁰Мон но Атае одйг".

³¹Иудейёс нош ик кутйзы изгёс, Со вьлэ зйрян вьлысь.

³²Иисус соослы вераз:"Трос жеч ужгёс возматй Мон тйлед Мынам Атаелэсь, кудыз уже понна Монэ зйржамды потэ изгёсын?"

³³Иудейёс шуизы Солы:"Жеч ужгёсыд понна зйржаммы изгёсын уг поты, нош богохульничать каремедлы, но Тон адями ке но, возматйськод Астэ, Инмар шуыса".

³⁴Иисус соослы вераз:"Өвөл-а гожтэмын тйляд законады:"Мон верай - тй инмаргёс"?

³⁵Со нимаз ке инмарен соосты, кингёслы вал Инмарлэн кылыз, но воштэмын уг луы Писаниез,-

³⁶Солы-а, Кудзэ Атай освятить карйз но келяз дуннее вьлэ, тй вераськоды "богохульник", Мон верай шуыса:"Мон Инмарлэн Пиес"?

³⁷Мон уг ке лэсьтйськы Ужгёссэ Атаелэсь, эн оскелэ Мыным,

³⁸нош лэсьтйсько ке, куке уд ке оскиське Мыным, оске Мынам ужгёсылы, тодон но оскон вьлысь, Атае Мон пушкын но Мон Атае пушкын шуыса".

³⁹Соку нош ик кутэмзы потэ вал Сое, нош Со утйськыны быгатйз соослэсь,

⁴⁰но нош ик выжиз Иордан сёры, со интые, кытын азьло Иоанн крестить кариз, но отчы ик кылиз.

⁴¹Тросэз лыктйзы Со доры но вералязы, Иоанн пе өз лэсьты нокигёе но чудо, нош ваньмыз, мае вераз Иоанн Со сярись, вал шонер.

⁴²Но тросэз отын оскизы Солы.

11 ¹Вифания гуртын, кытын уло вьлэм Мария но солэн сузэрэз Марфа, вал Лазарь нимо висись адями.

²Висись Лазарь вал выныз Мариялэн, кудыз зыраз Кузё Инмарез мираен но чүшылыз Солесь пыдъёссэ аслаз йырсиосыныз.

³Сузэръёсыз келязы Солы вераны:"Кузё Инмар! Тани, Тон кинэ яратиськод висе".

⁴Иисус, кылыса сое, шуиз:"Та висён кулонлы өвёл, нош Инмарлэн данэз понна, со пыртй мед данъяськоз шуыса Инмарлэн Пиез".

⁵Иисус яратылыз Марфаез, солесь сузэрзэ но Лазарез.

⁶Куке нош кылыз, со висе шуыса, соку со интыын, кытын вал, кык нунал улийз.

⁷Со бере дышетскисьёсызлы шуиз:"Ойдолэ бертом Иудеяе".

⁸Дышетскисьёсыз шуизы Солы:"Равви! Кемалась-а иудейёс Тонэ зйръян медо вал изъёсын, нош Тон выльысь отчы мынийськод?"

⁹Иисус пумитазы верам:"Дас кык час өвёл-а нуналын? Кин ветлэ нуназе, со уг чөмты, малыке шуоно, адже югытсэ та дуннелэсь,

¹⁰нош кин ветлэ уйин, чөмтаське, малыке шуоно, соин өвёл югыт".

¹¹Тае вераса, бёрысьгес ватсаз:"Асьмелэн эшмы Лазарь умме усиз, нош Мон мынийсько сое сайкатыны".

¹²Дышетскисьёсыз шуизы Солы:"Кузё Инмар! Умме усиз ке, катяськоз".

¹³Иисус вера вал солэн кулэмез сярысь, нош соос малпало вал, Со вера шуыса огшоры изён сярысь.

¹⁴Соку Иисус вераз соослы ме́чак:"Лазарь кулийз.

¹⁵Мон шум потйсько тй понна. Мон ой вал отын, тй мед оскоды шуыса, нош та бере мыноме со доры".

¹⁶Соку Фома, кудзэ верало вал Кыкто, шуиз дышетскисьёслы:"Мыноме но асьмеос но соин чөш кулом".

¹⁷Куке Иисус Лыктйз но тодйз, со ныйль нунал шойгуын ни шуыса.

¹⁸Вифания вал куинь иськемын гинэ Иерусалим дорысен,

¹⁹но тросэз иудейёс вынзы понна куректйсь Марфа но Марияез буйгатыны лыктэмын вал.

²⁰Марфа, Иисуслэсь лыктэмзэ кылыса, Солэн пумитаз мынийз, нош Мария коркан кылиз.

²¹Соку Марфа шуиз Иисуслы:"Тон луысал ке татын, ой кулысал мынам выны.

²²Но али но тодйсько, Тон Инмарлэсь мае курод, Со сётоз Тыныд".

²³Иисус вера солы:"Выныд тынад улзыса султоз"

²⁴Марфа шуиз Солы:"Тодйсько, улзыса султоз улзыса султон, берпум нуналэ".

²⁵Иисус шуиз солы:"Мон - улзыса султон но улон. Кин оске Мыным, кулийз но ке - улжэз.

²⁶Но кутькудыз, улийсез но окисез Мыным, ноку но уз кул. Окиськод а талы?"

²⁷Со вераз Иисуслы:"Бэн Кузё Инмаре! Мон окисько, Тон Христос, Инмарлэн Пиез, Кудыз лыктыны кулэ дуннее".

²⁸Тае вераса лушкем мынийз но отиз Мария сузэрзэ:"Дышетйсь татын,. Со өте тонэ".

²⁹Со кылйз но со куспын ик султйз но Со доры мынйз.

³⁰Иисуз оз на пыр вал гуртэ, нош вал со интыын, кытын Сое пумитаз Марфа.

³¹Иудейёс, кудъёсыз вал соин коркан но буйгато вал сое, адъизы Мариялэсь жог султэмзэ но потэмзэ, но бёрсяз мынйзы, малпаса, со мынэ шуыса бёрдыны шойгу доры.

³²Мария нош, Иисус доры лыктйз но Сое адъыса усиз Солэн пыдаязз но шуиз:"Кузё Инмаре! Тон луысал ке татын, мынамы выны ой кулысал".

³³Иисус, куке адъиз солэсь но иудейёслэсь бёрдэмзэс, Ачиз духеныз жожомиз но бугырскиз,

³⁴но шуиз:"Кытчы тй сое понйды? Солы верало:"Кузё Инмар! Мын но учкы".

³⁵Иисус бёрдйз.

³⁶Соку иудейёс вералязы:"Учкы, кыће Со сое яратэ".

³⁷Нош куд-огез соос пёлысь вералязы:"Оз-а быгаты Со, Кин усьтйз синтэмлэсь синъёссэ, лэсьтыны, Лазарь медаз кул шуыса?"

³⁸Нош Иисус, куректыса Ачиз Аслыз, лыктэ шойгу доры, кудыз вал пещёраын, но со борды пыкемын вал из.

³⁹Иисус шуиз:"Утылтэ изэз". Кулэмлэн сузэрез Марфа, шуэ Солы:"Кузё Инмар! Со нбыль нунал шойгуын кылле но зын потэ ини".

⁴⁰Иисус солы пумитаз вераз:"Ой-а вера Мон тыныд, оскид ке, адъёд Инмарлэсь данзэ шуыса?"

⁴¹Соку палэнтйзы изэз пещёра дорысь, кытын кылле вал кулэм адями. Иисус жутиз синъёссэ инме но шуиз:"Атай! Тау тыныд, Тынад Монэ кылэмед понна.

⁴²Мон тодйсько, Тон котьку кылйськод Монэ, нош верай калык понна, кудъёсыз татын сыло, соос мед оскозы, Тон келяд шуыса Монэ".

⁴³Тае вераса,Со зол кесъкиз:"Лазарь! Пот!"

⁴⁴Кулэм мурт, кудызлэн киосыз но пыдъёсыз но кулон басмаен, ымнырыз но кышетэн бинемын вал, пещёраысь потйз. Иисус вера соослы:"Пертчылэ сое, мед со мыноз".

⁴⁵Соку тросэз иудейёс, кудъёсыз вал Мария дорын адъизы, мае лэсьтйз Иисус, но оскизы Солы.

⁴⁶Куд огез соос пёлысь мынйзы фарисейёс доры но веразы соослы, мае Иисус лэсьтйз.

⁴⁷Соку фарисейёс но первосвященникъёс люказы синедрион но вераськылйзы:"Мар милем лэсьтоно? Та адями лэсьтэ тросс чудоос.

⁴⁸Кельтймы-ке Сое озы ик, соку ваньмыз оскозы Солы, но лыктозы римлянъёс но басьтозы асьмелэсь интымес но асьмелэсь калыкмес но".

⁴⁹Одйгез соос пёлысь, Каифа, кудыз со арын первосвященник вал, шуиз соослы:"Тй номырэ но уд тодйське

⁵⁰уд но валаське, мар асьмелы жеч-гес, одйг адями мед кулоз вань калык понна, ваньмыз калыкъёс бырыгчезь".

⁵¹Тае со аслысьтыз оз вера, нош вал со арын со первосвященник, соин ик пророчествовать кариз, Иисус кулоз шуыса калык понна,

⁵²но калык понна гинэ овёл, нош со понна но, пазяськем Инмарлэсь нылпиоссэ люкан вылысь одйг интые.

⁵³Но та нуналысен кенешизы Сое виыны.

⁵⁴Соин ик Иисус өз нй ветлы шара иудейёс пöлтй, нош кошкиз отысь пустынялы матысь Ефраим городэ, но улйз отын дышетскисьёсыныз.

⁵⁵Матэктэ ни вал иудейёслэн Пасказы, но тросэз, кунлэн котькуд интыысьтыз, Пасха азын лыктйзы Иерусалиме чылкытаськыны.

⁵⁶Соос утчаллязы Иисусэз но, храмын сылыкузы, ог огзылы вераллязы:"Кызы тй малпаськоды, уз-а меда Со лыкты празднике?"

⁵⁷Первасвященникъёс но фарисейёс косйзы, кин-ке пе тодйз ке, кытын Со, мед чагиськоз, Сое кутон вылысь.

12 ¹Пасхалэсь куать нуналы азыло Иисус лыктйз Вифание, кытысь вал кулэм Лазарь, кудзэ Со кулэмысь улзйтыз.

²Отын дасязы Сола жыт сион но Марфа служить кариз, нош Лазарь Соин ёош пукиз.

³Нош Мария, басьтйз фунт дуно чылкыт нордовой мира, но зыраз Иисуслэсь пидьёссэ но ёушылыз соосты аслаз йырсиосыныз, корка тырмиз миралэн ческыт зыныныз.

⁴Соку одйгез Солэн дышетскисез, Иуда Искарот, Симонлэн пиез, кудызлэн вузамез потэ вал Сое, шуиз:

⁵"Уг-а луы вал та мироез вузаны куинь сю динарийлы но сетчаны начаръёслы?"

⁶Нош со озыы начаръёс сярысь сюлмаськеменыз өз шуы, нош соин, малыке шуоно со вал вор. Солэн бордаз вал коньдонэн куды, но со лушкем басьтылыз отысь, мае отчы понылызы.

⁷Иисус шуиз:"Кельты сое. Монэ ватон нуналлы тae со возиз.

⁸Уго начаръёс котьку луозы тйледын, нош Мон котьку уг луы".

⁹Тросэз иудейёс тодйзы, Солэсь отынзэ, но Иисус доры гинэ өз лыктэ, нош лыктйзы адзыны Лазарез но, кудзэ Со кулэмысь улзйтыз.

¹⁰Нош первосвященникъёс чаклазы виыны Лазарез но,

¹¹со пыртй тросэз иудейс лыктылызы но оскылызы Иисуслы шуыса.

¹²Мукет нуналэ, празднике лыктэм трос калык, кылйзы Иисуслэсь Ирусалиме лыктэмзэ,

¹³басьтйзы финиковой пальмаослэсь вайёссэ, потйзы Солэн пумитаз но шумпотыса вераллязы:"Осанна! Данъяськы Кузё Инмарлэн нимыз понна лыктйсь, Израильлэн Царез!"

¹⁴Нош Иисус, шедьтыса егит оселэз, пуксйз со вылэ, кызы гожтэмын

¹⁵"Сионлэн нылыз, эн кышка! Тынад царед со бертэ, егит осёл вылын пукыса".

¹⁶Солэн дышетскисьёсыз нырысь өз валалэ тae, нош, куке данъяськиз Иисус, соку тодазы вайизы, озыы Со сярысь гожтэмын, но гожтэмья ик лэсьтйзы Сола.

¹⁷Калык, кудыз Соин вал азыло, вералляз, Со пе поттйз Лазарез шойгуысь но кулэмысь улзйтыз.

¹⁸Соин ик пумитаз Сое калык, чудо лэсьтэмзэ кылыса.

¹⁹Фарисейёс куспазы шуылызы:"Адзиськоды-а, тйляд номыре но уг пöрмы? Вань дунне Со съöры мынэ".

²⁰Куд оgez пpаздник дыръя йыбырттыны лыктэмъёс пöлын грекъёс вал.

²¹Соос Филипп доры лыктйзы, кудыз вал Галилейской Вифсаидаысь, но куризы солэсь, вераса:"Господин! милям Иисусэз адземмы потэ".

²²Филипп мынэ но вера со сярысь Андрейлы, но бöрысь Андрей но Филипп верало со сярысь Иисуслы.

²³Иисус соослы пумитазы вераз:"Вуиз дыр данъяськыны Адямилэн Пиезлы.

²⁴Зэм ик зэм ик верасько тйлед:"чабей тысь, музъеме шедьыса, öз ке кул, одйг кылез, нош кулйз ке, сётоз тросс емыш.

²⁵Кин яратэ аслысьтыз лулзэ быттоз сое, кин адземпотостэм каре аслысьтыз лулзэ таяз дуннеын, утёз сое пумтэм-быронтэм улонлы.

²⁶Кин Мыным служить каре, мед Мон сьöры лыктоз, кытын Мон, отын ик луоз Мынам ляльчие но. Но кин служить каре Мыным, сое гажалоз Мынам Атае.

²⁷Лулы Мынам табере жожомиз. Мар Мыным лэсьтыны?Атай! Монэ та часлэсь мозмыты! Нош Мон та час понна ик лыктй.

²⁸Атай! Данъя Аслысьтыд нимдэ".Соку кылйськиз инмысь куара:"Данъяй но эшшо но данъяло".

²⁹Калык, кудыз сылэ вал но кылйз тае, вералляз:"Гудыри со", нош мукетъёсыз вераллязы:"Ангел вералляз Солы".

³⁰Иисус талы шуиз:"Мон понна öй вал та куара, нош калык понна.

³¹Табере та дунне осудить каремын.Табере та дуннелэн кивалтйсьез уल्याмын луоз.

³²Но, ку Мон музъем бордысь жутэмын луо, ваньзэсты Ас бордам кыско".

³³Тае Со вераз, мед валалозы, кыче быронэн Со кулоз.

³⁴Калык вералляз Солы:"Ми кылылим законысь, Христос улэ шуыса пумтэм-быронтэм дауръёс.Кызы нош Тон вераськод, Адямилэн Пиез жутйськыны кулэ? Кин Со Адямилэн Пиез?"

³⁵Соку Иисус соослы шуиз:"Кема на тйленыд югыт. Ветлэ, югыт вань на дыръя, тйледыз медаз басьты пеймыт. Нош пеймытын ветлйсь уг тоды, кытчы мынэ.

³⁶Югыт тйленыд на дыръя, оске югытлы, но югытлэн нылпиосыз луоды".Тае вераса, Иисус палдурскиз но ватскиз соослэсь.

³⁷Кöня чудоос лэсьтйз Со соос азын, но соос öз оске Солы.

³⁸Озы быдэсмиз Исаия пророклэн верамез:"Кузё Инмар! Кин оскиз асьмелэсь кылэмзэ? Но кинлы учкиз Кузё Инмарлэн кйыз?"

³⁹Соос соин öз быгатэ оскыны, кызы эшшо вераз вал Исаия,

⁴⁰"та калык синтэм луиз но измиз сюлэмыныз, но уг адзё синъёсынызы, но уз валалэ сюлэмынызы, но уз берытске, Мон мед катъяло шуыса соосты".

⁴¹Тае Исаия шуиз, куке адзйз Солэсь данзэ но вералляз Со сярысь.

⁴²Кивалтйсьёс пöлысь но тросэз оскизы Солы, нош фарисейёс сэрэн öз усътйськылэ, синагогалэсь палэнэ медаз каремын луэ шуыса,

⁴³малыке шуоно яратйзы тросгес адямилэсь данзэ, Инмарлэсь данзэ сярысь.

⁴⁴Иисус нош шумпотыса вераз:"Кин Мыным оске Мыным ут оскы, нош Монэ Келясьлы оске.

⁴⁵Но Монэ адзись, адзе Монэ Келясез.

⁴⁶Мон-югыт-лыкть дуннее, котькудыз Мыным оскись медаз кыль шуыса пеймытын.

⁴⁷Но, кин кылоз Мынысьтым кыльёсме но уз оскы, Мон судить ут кариськы сое, малыке шуоно Мон судить карыны ой лыкты, нош спасать карыны дуннеез.

⁴⁸Монэ палэнэ карисьлы но Мынысьтым кыльёсме кулэтэм карисьлы вань судья - кыл, кудзэ Мон вералляй, со сое судить карос берпуметй нуналэ.

⁴⁹Уго, Мон ой вералля аслысьтым, нош Монэ келясь Атай, Со сётйз Мыным заповедь, мар вераны но мар ивортыны но.

⁵⁰Но Мон тодйсько, Солэн заповедез - пумтэм-быронтэм улон.Озьен, мае Мон верасько, верасько, кызы Мыным вераз Мынам Атае"

13 ¹Пасха праздник азын Иисус, тодыса, вуиз ни шуыса Солэн дырыз кошкыны таяз дуннеыс Атаез доры. Яратыса Аслысьтыз дуннеын улйсьёссэ, возматйз пумозяз соосты яратэмзэ.

²Но жыт сиськон дыръя, куке дьявол понйз ни сюлмаз Симонлэн пиезлы Иуда Искаротлы вузаны Сое,

³Иисус, тодыса, Атаез сётйз ваньзэ Солэн кияз но Со Инмар дорысь лыктйз но Инмар доры кошке шуыса,

⁴султйз жок съорыс но кылиз выльй дйсьсэ, басьтйз чүшкон но кусказ керттйз

⁵Со бере ву люказ пыд миськон посуде но кутскиз дышетскисьёсызлэсь пыдъёссэс миськыны но чүшылыны чүшконэн, кыдыз кусказ керттэмын вал.

⁶Симон Пётр доры лыктэ, но соиз вера Солы:"Кузё Инмаре! Тон-а миськыны кулэ мынысьтым пыдъёсме?"

⁷Иисус пумитаз солы шуизы:"Мар Мон лэсьтйсько али тон уд вала, нош берло валалод".

⁸Пётр солы вера:"Ноку но уд миськы мынысьтым пыдъёсме!". Иисус пумитаз вераз:"Ой-ке миськы тонэ, уд луы Мынам одйгез пöлысь."

⁹Симон Пётр вера Солы:"Кузё Инмаре! Мынысьтым пыдъёсме гинэ өвöл киосме но ййрме номиськы".

¹⁰Иисус вера солы:"Миськем муртлы пыдъёссэ гинэ миськыны кулэ, малыке шуоно быдэсак дун. Тй но дунэсь, нош ваньды өвöл".

¹¹Со тодэ вал Аслысьтыз вузасьсэ, соин ик шуиз:"Ваньды дунэсь өвöл".

¹²Куке миськиз соослэсь пыдъёссэс но дисяз аслысьтыз дисьсэ, нош ик, пуксиз жок съоры но шуиз:"Тй валаськоды-а, мар Мон лэсьтй тй понна?

¹³Тй нимаськоды Монэ Дышетйсен но Кузёен, но вераськоды шонер, Мон - Со ик вань.

¹⁴Озьен, Мон ке,- Кузё но Дышетйсь, миськи тйлесьтыд пыдъёстэс, соку тй но ог-огдылэсь пыдъёстэс миськыны кулэ.

¹⁵Уго Мон тйледлы адзгть, тй но мед лэсьтоды шуыса озы ик, мае Мон тйлед лэсьтй.

¹⁶Зэм ик, зэм ик верасько тйлед: раб бадзымгес өвöл аслысьтыз кузеезлэсь, но келям мурт бадзымгес өвöл келясьлэсь.

¹⁷Тодйськоды ке тае но быдэстйськоды ке, тй соку шудоесь.

¹⁸Ваньмыз сярись Мон уг вераськы. Мон тодйсько, кинэ быр'и. Нош, Писаниеын мар гожтэмын, быдэсмыны кулэ:"со, кин сие Монэным нянь, жутйз Мон вылэ пыдтыпсэ".

¹⁹Али верасько тйлед азыласянь, куке та луоз, тй мед оскоды, Мон со шуыса.

²⁰Зэм ик,зэм ик верасько тйлед: кин лэзёз дораз, кинэ Мон келяй - Монэ лэзёз дораз, нош кин Монэ дораз лэзёз - дораз лэзёз Монэ Келясез".

²¹Иисус тае вераса духеныз бугырскиз но валэктыса вераз:"Зэм ик, зэм ик верасько тйледлы, одйгез тй пёлысь вузалоз Монэ".

²²Соку дышетскисьёзыз ог огзы шоры паймыса учкизы но малпазы:" кин сярись Со вера".

²³Нош одйгез Иисуслэн дышетскисез, кудзэ Со яратэ вал, кылле вал Солен гадь вылаз.

²⁴Симон Пётр солы пус возматйз, мед юалоз, кин сярись Со вера шуыса.

²⁵Со мыкырскиз Иисуслэн гадь бордаз но юаз Солэсь:"Кузёе! Кин со?"

²⁶Иисус вераз:"Солы, кинлы Мон сёто коттыса, нянь юдэс". Но коттыса нянь юдэсэз, сётйз Симонлэн пиезы Иуда Искаротлы,

²⁷Та нянь юдэсэз кутэмез бере пыриз со пушкы сатана, Иисус соку шуиз солы:" Мар лэсьтйськод, лэсьты жогтес".

²⁸Но нокин но Соин пукисьёс өз валалэ, марлы Со озыы вераз солы.

²⁹Иудалэн вал бере коньдонэн кудыез, соин ик куд-огез малпазы, Иисус солы шуэ пе:"Басьты, ма кулэ асьмелы праздниклы" яке мар-ке мед сётоз начарьёслы.

³⁰Со, басьтйз нянь юдэсэз но соку ик потйз. Вал уй.

³¹Куке со потйз, Иисус шуиз:"Али данъяськиз Адымилэн Пиез но Инмар данъяськиз Со пушкын.

³²Инмар данъяськиз ке Со пушкын, соку Инмар данъялоз Сое Аслаз пушказ, но жоген данъялоз Сое.

³³Пинал'ёсы! Трос өз ни кылы Мыным тйленыд луыны. Утчалоды Монэ, но, кызы Мон верай иудейёслы, али тйлед но озы ик верасько:" кытчы Мон мынйсько, тй уд быгатэ лыктыны".

³⁴Сётйсько тйлед выль заповедь, тй мед ог-огдэс яратоды шуыса. Кызы Мон яратй тйледыз, озы ик яратэ ог-огдэс.

³⁵Кусыпады луиз ке яратон, со-я ваньмыз валалозы, тй Мынам дышетскисьёсы шуыса".

³⁶Симон Пётр шуиз солы:"Кузёе! Кытчы Тон мынйськод?" Иисус пумитаз вераз:"Кытчы Мон мынйсько,тон Монэным али мыныны уд быгатйськы, нош бёрысь Мон сёры мынод".

³⁷Пётр шуиз солы:"Кузёе! Малы мон уг быгатйськы мыныны Тон сёры али? Мон улонме сёто Тон понна".

³⁸Иисус пумитаз вераз:"Улондэ Мон понна сётод?Зм ик, зэм ик верасько тыныд атас чёрьяса уз ву, тон куинь пол куштйськод Мынысьтым".

14 ¹"Тйляд сюлэмды медаз шугъяськы. Оске Инмарлы но Мыным но оскелэ.

²Мынам Атаелэн корказ тросс комнатаосыз. Нош озыы ой ке луысал, Мон соку верасал Тйлед:"Мон мынйсько дасяны инты тйлед.

³Но кукe мыно но дасяло тйлед инты, нош ик лыкто но басьто тйледды Дорам, тй но мед луоды отын - кытын Мон".

⁴Кытчы Мон мынйсько, тй тодйськоды, сюрес но отчы тодйськоды".

⁵Фома шуиз Солы:"Кузёмы! Ум тодйське, кытчы мынйськод, но кызьы тодыны быгатомы сюрес?"

⁶Иисус шуиз солы:"Мон - сюрес но, зэмлык но, улон но. Нокин но уг быгаты лыкты Атай доры, Мон пыртй сяна.

⁷Тй тодысалды ке Монэ, соку Мынысьтым Атайме но тодысалды. Табере тодйськоды Сое но, адзиды но Сое".

⁸Филипп шуиз Солы:"Кузёмы! Возьматы милем Атайдэ но милемлы тырмоз".

⁹Иисус шуиз солы:"Кöня дыр Мон тйленыд, но тон уд тодйськы Монэ, Филипп? Монэ адзись Атайме но адзиз, малы бен соку вераськод:"возьмат милем Атайдэ"?

¹⁰Тон уд оскиськы шат, Мон Атае пушкын но Атае Мон пушкын? Кылъёсты, кудъёссэ Мон тйлед верасько, Аслысьтым уг вераськы. Атае, Мон пушкын уйлесэ, - Со лэсьтэ ужъёсты.

¹¹Оске Мыным, Мон Атае пушкын но Атае Мон пушкын шуыса, но öвöл ке, соку Оске Мыным Мынам ужъёсыя.

¹²Зэм ик, зэм ик верасько тйлед:" Мыным оскись, ужъёсты кудъёссэ Мон лэсьтйсько, со но лэсьтоз, но трогес лэсьтоз, малыке шуоно Мон мынйсько Мынам Атае доры.

¹³Мае уд куре Атаелэсь Мынам нимы понна, сое лэсьто, мед данъяськоз шуыса Атай Пи пушкын.

¹⁴Мае куроуды Мынам нимы понна, Мон лэсьто сое.

¹⁵Монэ яратйськоды ке, быдэстэ Мынысьтым заповедьёсме.

¹⁶Но Мон Атаелэсь куро, но сётоз тйлед мукетсэ Буйгатйесэ, Кудыз пыраклы кылёз тйленыд.

¹⁷Зэмлыклэсь Духсэ, Кудзэ дунне уг быгаты басьтыны, малыке шуоно уг адзы Сое но уг тоды Сое. Нош тй тодйськоды Сое, малыке шуоно Со тйленыд улэ но тй пушкын луоз.

¹⁸Уг кельты тйледды сирота. Лыкто тй доры.

¹⁹Тросс öз ни кылы, дунне Монэ уз ни адзы, нош тй адзёды Монэ, уго Мон уйлйсько, тй но улоды.

²⁰Со нуналэ тй тододы, Мон Мынам Атае пушкын, но тй Мон пушкын, но Мон тй пушкын шуыса.

²¹Кин тодэ Мынысьтым заповедьёсме но быдэстэ соосты, со яратэ Монэ, нош кин яратэ Монэ, сое яратэмын луоз Мынам Атаеным, Мон но ярато сое но усйтйсько солы Ачим".

²²Иуда - кудыз öвöл Искарот - вера Солы:"Кузёмы! Мар луиз,Тынад возьматэмед потэ Астэ милем, нош дуннелы уг пот?"

²³Иисус шуиз солы пумитаз:"Кин Монэ яратэ, со быдэстоз Мынысьтым кылме, соку Мынам Атае яратоз сое, но Ми лыктом но улом со дорын.

²⁴Со, кин Монэ уг яраты, уг быдэсты Мынысьтым верамме, Нош кыл, кудзэ тй кылйськоды, Мынам öвöл, нош Монэ келясь Атаелэн.

²⁵Тае верай Мон тйлед, тйледын ёш дыръям.

²⁶Нош Буйгатйсь - Святой Дух, Кудзэ келялоз Атае Мынам нимы понна, дышетоз тйледды ваньмызлы но тодады вайытоз тйледды ваньзэ, мае Мон тйлед вералляй.

²⁷Зибыт улон кельтйсько тйледлы, Аслысьтым зибыт улонме сётйсько тйледлы, сыће со өвёл, кычезэ дунне сётэ. Тйляд сюлэмды медаз но сюлмаськы, медаз но көшкема.

²⁸Тй кылйды, мар Мон верай тйлед:"Кошкисько тй дорысь но лыкто тй доры". Тй Монэ яратысалды ке, соку тырмысалды шумпотонэн, Мон шуи "мынйсько Атае доры", малыке шуоно Атае Мынысьтым бадžымгес.

²⁹Быдэсমেбезлэсь вазьгес Мон верай тйлед со сярись, быдэсмебез бере тй мед оскоды шуыса.

³⁰Мыным тйлены вераськыны кема өз ни кылы, малыке шуоно лыктэ та дуннелэн кивалтйсьез но солэн Мон былэ но кычэ но властез өвёл.

³¹Но дунне мед тодоз, Мон Атайме яратйсько но кызы заповедовать кариз Мыным Атае, озыы ик лэсьтйсько:султэ, кошкоме татысь.

15 ¹"Мон - зэмос виноградлэн лозаез, нош Мынам Атае - виноград будэтйсь.

²Кокькудзэ Мынысьтым вайме, кудыз уг сёт емыш, Со чөгө, нош котькудзэ, кудыз сётэ емыш, сюзя, тростгес емышсэ мед сётөз на шуыса.

³Тй чылкыт каремын ни кыл пыртй, кудзэ Мон тйлед вералляй.

⁴Улэ Мон пушкын, Мон уло тй пушкын. Кызы вай уг быгаты сётыны емышсэ аслыз ачиз, өз ке луы лоза вылын, озыы ик тй, но өд ке улэ Мон пушкын, уд сётэ емыш.

⁵Мон - Лоза, нош тй вайёс. Кин улэ Мон пушкын, но Мон со пушкын, со сётэз трос емыш, нош Монтэк тй номыр но лэсьтыны уд быгатйське.

⁶Кин уз луы Мон пушкын, вай кадь чөгемын луоз но куасьмоз, сыће вайёсты люкало но тылэ кушто, но соос жуало.

⁷Мон пушкын луиды-ке но Мынам кылтёсы тй пушкын луизы ке, соку мае гинэ мылкыд уд каре, курэлэ, но луоз тйледлы.

⁸Тй вайды ке трос емыш но луиды ке Мынам дышетскисьёы, соку данъяськоз Мынам Атае.

⁹Кызы Атае яратйз Монэ, озыы ик Мон яратй тйледыз. Мынам яратонам луэлэ.

¹⁰Быдэсьяды ке Мынысьтым заповедьёсме, улоды Мынам яратонам, кызы Мон быдэсьясько Мынам Атаелэсь заповедьёссэ но уйлйсько Солэн яратоназ.

¹¹Сое Мон верай тйлед, Мынам шумпотонэ мед улоз тй пушкын но тйляд шумпотонды тырмыт мед луоз.

¹²Тани Мынам заповеде: яратэ ог огдэс, кызы Мон яратй тйледыз.

¹³Кинке улонзэ сётйз ке аслад эшгёсыз понна, со яратонлэсь, өвёл бадžымгес яратон.

¹⁴Тй - Мынам эшгёсы, быдэстйды ке заповедьёсты, кудзэ Мон тйлед сёти.

¹⁵Мон уг нй вераськы тйледыз тй рабёс шуыса, уго раб уг тоды, мар лэсьтэ солэн кузёез. Мон верай тйледлы ваньзэ, мае кылй Мынам Атаелэсь, соин ик нимай тйледыз эшгёсы шуыса.

¹⁶Тй Монэ өд быржё, нош Мон тйледыз быржйи но пуктй тйледыз, тй мед мыноды но емыш ваёды но тйляд емышты бырысьтэм мед луоз, но мае уд куре Атаелэсь Мынам нимы понна, Со мед сётөз тйледлы шуыса.

¹⁷Заповедоведь сётйсько тйледлы: яратэлэ ог огдэс.

¹⁸Дунне аджемпотостэм ке каре тйледыз, тодэ, Монэ аджемпотостэм кариз тйлесьтыд азьлогес.

¹⁹Тй луысалды ке та дуннелэсь, соку дунне яратысал аслысьтыз. Нош тй дуннелэн өвёл, малыке шуоно Мон быръйи тйледыз дуннеысь, соку дунне адземпотостэм кариз тйледыз.

²⁰Тодады возе кылме, кудзэ Мон верай тйледлы:"раб баджымгес өвёл аслаз кузёезлэсь. Монэ уल्याзы бере, тйледыз но улялозы. Мынысьтым верамме быдэстйзы ке, соку быдэстозы тйлесьтыд но верамдэс.

²¹Нош ваньзэ сое лэсьтозы тйледлы Мынам нимы понна, малыке шуоно уг тодо Монэ Келясез.

²²Мон ой ке лыктысал но ой ке верасал соослы, соку ой луысал съёлыксы, нош табере уг быгато асьсэлэсь съёлыктьёссылэсь шонере потыны.

²³Кин Монэ адземезпотостэм каре, адземпотонтэм каре Мынысьтым Атайме но.

²⁴Мон ой ке лэсьтысал соос пöлын ужъёс, кудъёсзэ нокин но мукетыз öз лэсьтыл, соку соослэн ой луысал съёлыксы, но табере аджылызы нош озьы ке но адземпотостэм каризы Монэ но Мынысьтым атайме но.

²⁵Мед быдэсмоз соослэн законазы гожтэмын кыл:"адзем потостэм каризы Монэ юнме шорысь."

²⁶Куке нош лыктоз Буйгатись, кудзэ Мон келяло Атаелэсь,- зэмлыклен духез, Кудыз Атае дорысь лыктэ, Со вералоз Мон сярысь.

²⁷Озьы ик тй но Мон сярысь вералоды, малыке шуоно тй Монэным кутсконысеныз ик".

16 ¹"Тае Мон верай тйлед, тй медаз сюлэмшугъяське шуыса.

²Улялозы тйледыз синагогаосысь, Сыче дыр но вуоз, куке котькудыз кин виылоз тйледыз, малпалоз со öзы Инмарлэсь ужзэ лэсьтэ шуыса.

³Озьы соос лэсьтозы, мылыке шуоно, öз тодэ Атайме но Монэ но.

⁴Нош Мон тае тйледлы верай, куке вуоз та дыр, тй мед тодады вайöды, мар Мон вералляй со сярысь. Азлясянь öй вера тйледлы, малыке шуоно тйледын чош вал.

⁵Нош табере мынйсько Монэ Келясь доры, но нокин но тй пöлысь уг юа Монэ:"Кытчы мынйськод?"

⁶Нош Мон тйледлы тае верамысь, тйляд сюлэмды куректонэн тырмйз.

⁷Нош Мон тйледлы зэмлык верасько: тйледлы жечгес луоз, Мон мынй ке, нош Мон öй ке мын, Буйгатись уз лыкты тй доры, нош мынй ке, соку кэляло Сое тй доры,

⁸но Со, лыктыса, дуннеез шарае поттоз съёлык, шонерлык но суд но сярысь:

⁹съёлык сярысь, Мыным уг оско шуыса;

¹⁰шонерлык сярысь, Мон мынйсько Мынам Атае доры, но уд ни адже Монэ;

¹¹суд сярысь, та дуннелэн кивалтйсез судить каремын ини.

¹²Вань на трос мае вераны луоз тйлед, нош тй уд на быгатйське валаны.

¹³Куке нош лыктоз Со, зэмлыклен Духез, соку дышетоз тйледыз котькыче зэмлыклы, малыке шуоно Аслысьтыз Со уз вера, нош вералоз, мае кылоз, но азыланьзэ тйледлы ивортоз.

¹⁴Со данъялоз Монэ, малыке шуоно Мынысьтым басьтоз но ваньмызлы вералоз.

¹⁵Ваньмыз маиз вань Атаелэн, Мынам но вань, соин ик Мон верай, Мынысьтым басьтоз но тйледлы вералоз.

¹⁶Жоген уд ни Монэ адзеле но жоген выльысь адзёды Монэ уго Мон Атае доры мынйсько"

¹⁷Татын куд огез дышетскисьёсыз шуизы ог огзылы:"Мар Со вера милемлы "Жоген уд ни Монэ адзелэ но жоген выльысь адзёды Монэ" но " Мон Атае доры мынйсько"?"

¹⁸Озыен, соос вераллязы:"Мар сярысь Со вера "Жоген?" Ум тодйське, мар вера".

¹⁹Иисус, валаса, Солэн юамзы потэ шуыса, вераз соослы:"Тй ог огдылэсь юаськоды, Мынам вераме мар сярысь:"Жоген уд нй адзелэ Монэ но жоген нош ик адзёды Монэ"?

²⁰Зэм ик зэм ик верасько тйледлы:" тй бёрдоды но викышгъялоды, нош дунне шумпотоз; тй жожэсь луоды, нош жожды тйляд пёрмоз шумпотонэ.

²¹Кышномурт курадзйса пиннал вае, нош ку нуньез вордйське, шумпотэменыз уг нй тоды курадземзэ, малыке шуоно дуннее адыми вордйське.

²²Озы ик тй но али жожомеын, нош Мон выльысь адзё тйледыз, но шумпотоз тйляд сюлэмды, тйлесытд шумпотэмдэс нокин но уз ни тала.

²³Со нуналэ тй уд юалэ Монэ номыре но сярысь. Зэм ик, зэм ик верасько тйледлы:" мае уд курэ Атаелэсь Мынам нимы понна, сётоз тйледлы.

²⁴Та дырозь тй номыр но од курылэ Мынам нимы понна.Курелэ но сётозы, тйляд шумпотонды мед быдэсмоз шуыса

²⁵Та дырозь Мон вералляй тйледлы притчаосын, но вуэ ни дыр куке уг нй вераськы притчаосын, но мечак верало тйледлы Атае сярысь.

²⁶Со нуналэ куроуды Мынам нимы понна, но уг вераськы тйледлы, мон куро шуыса Атайме тй сярысь:

²⁷уго Ачиз Атае яратэ тйледыз, малыке шуоно тй яратйды Монэ но оскиды, Мон лыктй шуыса Инмар дорысь.

²⁸Мон потй Атаелэсь но лыктй дуннее, нош ик кельто дуннеез но мынйсько Атае доры.

²⁹Солэн дышетскисьёсыз шуизы Солы:" Тани, табере Тон шонер вераськод но нокиче но притчаосын уд вераськиськы.

³⁰Та бере адзйськом, Тон тодйськод шуыса ваньзэ, кулэ өвёл ни Тынысьтыд юаны. Соин ик оскиськом, Тон Инмарлэсь лыктй шуыса.

³¹Иисус пумитазы вералляз:"Табере оскиськоды?"

³²Тани, вуе ни дыр, вуиз но ни, куке тй кошкоды котькудды ас палады но кельтоды Монэ огням. Нош Мон огням өвёл, малыке шуоно Атае Монэным.

³³Тае Мон верай тйледлы, тйляд мед луоз Мон пушкын каньлыкты шуыса. Дуннеын куфектонъёс адзёды, но юнматске:"Мон vormи дуннеез".

17 ¹Та кылгёссэ верамез бере Иисус жутйз сингёссэ инме но вераз:"Атае вуиз дыр, данъя Аслысьтыд Пидэ, Тынад Пиед но мед данъялоз тонэ шуыса,

²Тон Солы сётйд бере власть котькуд адыми вылын, Со мед сётоз шуыса пумтэм-быронтэм улон ваньмызлы, кинэ Тон сётйд Солы.

³Пумтэм-быронтэм улон луэ, Тонэ, - Одйг Зэмос Инмарез но Тонэныд Келям Иисус Христосэз мед тодозы шуыса.

⁴Мон данъяй Тонэ музъем вылын, лэсьтй уж кудзэ Тон Мыным сётйд быдэстыны.

⁵Но Тон, Атае, табере данъя Монэ Аслад дорад данэн, кудыз вал Мынам Тон дорын дуннелэн кылдэмезлэсь азьло.

⁶Мон усьтй Тынысьтыд нимдэ калыклы, кудъёссэ Тон сётйд Мыным дуннысь. Соос Тынад вал, Тон сётйд Мыным соосты, но соос утизы Тынысьтыд кылдэ.

⁷Табере соос тодйзы, мае Тон сётйд Мыным, - Тынысьтыд,

⁸малыке шуоно кылъёс, кудъёссэ Тон сётйд Мыным, Мон соослы сётй, соос сое басьтйзы но валазы зэмосэз, Мынысьтым Тон дорысь лыктэмме, но оскизы, Тод келяд шуыса Монэ.

⁹Мон соос понна вöсьяськисько:вань дунне понна уг вöсьяськиськы, нош соос понна, кудъёссэ сётйд Тон Мыным, малыке шуоно соос Тынад.

¹⁰Но ваньмыз Мынаме -Тынад, но Тынадэз - Мынам, но Мон данъяськи соос пушкын.

¹¹Мон öвöл ни дуннеын, нош соос дуннеын на, нош Мон мынйсько Тон доры, Данлыко Атае! Уть соосты Тынад нимыд понна, соосэ, кудъёссэ Тон сётйд Мыным, соос мед луозы одйго, Ми кадь ик.

¹²Куке мон соосын вал дуннеын, Мон угылий соосты Тынад нимыд понна. Соосэ, кудъёссэ Тон сётйд мыным, Мон утй, но нокудзы но соос пöльсь öз быре, быронлэн пиез сяна, мед быдэсмоз шуыса Писание.

¹³Нош табере Мон Тон доры мынйсько но верасько со сярысь дуннеын, Мынам шумпотонэ соос пушкын тырмыт мед луоз шуыса.

¹⁴Мон сётй соослы Тынысьтыд кылдэ, но дунне соосты адземпоностэм кариз, малыке шуоно соос дуннелэн öвöл, кызь Мон но дуннелэн öвöл.

¹⁵Уг куриьскы, Тон мед басьтод соосты дуннеысь шуыса, но куриьско,Тон мед утёд шуыса уродлэсь.

¹⁶Соос öвöл дуннелэн, кызы Мон но öвöл дуннелэн.

¹⁷Освятить кар соосты Тынад зэмлыкеныд: тынад кылыд со змлык.

¹⁸Кызы Тон келяд Монэ дуннее, озьы ик Мон келясько соосты дуннее.

¹⁹Но соос понна Мон Асме сйзисько, соос но мед освятить каремын луозы шуыса зэмлыкен.

²⁰Соос понна гинэ уг вöсьяськиськы, нош соослэн верам кылзыя Мыным оскисьёс понна но,

²¹ваньмыз мед луозы одйг, кызы Тон, Атай ,Мон пушкын но Мон Тон пушкын, соос но мед луозы Ми пушкын одйг, мед оскоз дунне, Тон келяд шуыса Монэ.

²²Дан, кудзэ Тон сётйд Мыным, Мон сётй соослы:"мед луозы одйго, кызы Ми одйго.

²³Мон соос пушкын, Тон но Мон пушкын. Мед луоз соослэн огазёяськонзы быдэсмын, дунне мед аджёз, Тон келяд шуыса Монэ но яратйд соосты, кызы Монэ яратйд.

²⁴Атае! Отын, кытын Мон, мед луысалзы Монэным соосыз но кудъёссэ Тон Мыным сётйд, мед аджысалзы Мынысьтым данме, кудзэ Тон Мыным кузьмад, яратыса Монэ дунне кылдэмлэсь азьло ик.

²⁵Шонерлыко Атае! Дунне Тонэ öз но ке тоды, Мон Тодй Тонэ, кинэ Тон келяд, соос но тодйзы Тонэ.

²⁶Но Мон усьтй соослы Тынысьтыд нимдэ но эшшо но усьто, яратонэд, кудыныз Тон яратйд Монэ, соос пушкын мед луоз, Мон но соос пушкын".

18 ¹Сое вераса, Иисус потйз Аслаз дышетскисьёсыныз Кедрон öр съöры, кытын вал сад, кудаз Со пыриз Аслаз дышетскисьёсыныз.

²Тодэ вал со интыез Иуда но, Сое вузась, малыке шуоно Иисус чем люкаськылйз отын Аслаз дышетскисьёсыныз.

³Озыен, Иуда, басьтыса первосвященникъёслэсь но фарисейёслэсь солдатъёсын отрядзэс но ляльчиоссэс, лыктэ отчы факельёсын, светильникъёсын но ожмаськон тйрлыкен.

⁴Нош Иисус, ваньзэ тодыса, мар Соин луоз, потйз но шуиз соослы:"Кинэ утчаськоды?"

⁵Солы вераллязы:"Нозорей Иисусэз". Иисус вера соослы:"Мон Со". Соин ёош сылэ вал Сое вузась Иуда но.

⁶Но ку шуиз соослы:"Мон Со",- соос берлань чигназы но музъем вылэ усьылйзы.

⁷Нош ик юаз соослэсь:" Кинэ утчаськоды?" Соос шуизы:"Нозорей Иисусэз".

⁸Иисус вераз:"Мон верай тйледлы, Мон Со шуыса. Озыен, утчаськоды ке Монэ, кельтэ соосты, мед мынозы",-

⁹озы быдэсмиз Солэн верам кылыз "Мон нокинэ но ой ышты соос пöлысь, кудъёссэ Тон Мыным сётйд".

¹⁰Нош Симон Пётр, кудызлэн вал мечез, басьтйз сое но шуккиз первосвященниклэсь рабзэ, но ёогиз солэсь бурзэ пельзэ, раблэн нимыз вал Малх.

¹¹Иисус шуиз Пётрлы:" Пон мечтэ интыяз. Ёвёл шат Мынам юоно чашаез, кудзэ сётйз Мыным Атае?"

¹²Соку солдатъёс, сюрсёсынкивалтйсьёс но иудейёслэ храмысьтызы служительёс кутыса Иисусэз керттылйзы,

¹³но нуизы нырысь Сое Анна доры, малыке шуоно со вал Каифа первосвященниклэн вармаез.

¹⁴Та со Каифа вылэм, кудыз валэктыса иудуйёслы вераз:"зечгес луоз одйг муртлы вань калык понна кулына ".

¹⁵Симон Пётр но мукетыз дышетскисьез мынйзы вал Иисус съöры; со дышетскись нош вал тодмо первосвященникен но пыриз Иисусэн ёош первосвященниклэн азбараз,

¹⁶нош Пётр сылйз петпалаз öс съöрын. Со бере мукетыз дышетскись, кудыз вал тодмо первосвященниклы, потйз, вераз öс дорын возмаськись ляльчи кышномуртлы но пыртйз Пётыррез.

¹⁷Со öс дорын возмаськись ляльчи Пётрлы вера:" Тон ёвёл-а солэн дышетскисез?" Со шуиз:" Ёвёл".

¹⁸Вылэм кезыт но храмын служить карисьёс, тылскиллям но шунйтскыса сыло вылэм. Озы ик соосын ёош Пётр но шунйтскыса сылэ вылэм.

¹⁹Нош первасвященник юам Иисулэсь Солэн дышетскисьёсыз но дышетэмез сярысь.

²⁰Иисус вераз солы:"Мон шара вералляй дуннелы. Мон котьку дышетылй синагогаын но храмын, кытын люкаськылйзы ваньмыз иудейёс, но лушкем номырэ но ой вералля.

²¹Малы юаськод Монэ? Юа кылылэм муртъёслэсь, мар Мон вералляй соослы, соос тодо, мае Мон вералляй"

²²Куке Со вераз тае, одйгез храмын служить карись, кудыз матын сылэ вал, Иисулэн пэльдораз шуккиз но шуиз:" Кызы Тон вераськиськод первосвященникен?"

²³Иисус вераз Солы:" Мон верай ке урод, вера, урод шуыса. Нош зеч ке малы Монэ жугиськод?"

²⁴Керттылэм Иисусэз, Анна келяз Каифа первасвященник доры.

²⁵Симон Пётр шунйтскыса сылэ вал, но солы шуизы:" Тон ёвёл-а Солэн дышетскисьёсыз пöлысь?" Со куштйськыса шуиз:" Ёвёл".

²⁶Одйгез первосвященниклэн рабез, Пётр пельзэ ёогем муртлэн чыжы-выжыез, вера:"Тонэ мон Соин ёош садысен ой адзыл - а?"

²⁷Пётр нош ик куштйськиз, но со дыръя атас чёръяз.

²⁸Каифа дорысь Иисусэз приторияе нуизы. Вал чукна, но соос өз пыре приторияе, саптаськоно медам луы, но пасха сиёнэз сиыны мед луоз шуыса.

²⁹Пилат потйз соос доры но шуиз:" Та адямиез маин тй янгыш кариськоды?"

³⁰Соос солы пумитаз шуизы:" Со злодей ой ке луысал, ми Сое тыныд ой сётысалмы".

³¹Пилат шуиз соослы:" Тй басьтэлэ Сое но судить каре асьтэлэн законды". Иудейёс шуизы солы:" Милем уг яра нокинэ но виыны", -

³²озы быдэсмиз Иисуслэн кылыз, кудзэ Со валэктыса вералляз, кыче кулонэн Со кулоз.

³³Соку пилат нош ик пыриз приторияе, отиз Иисусэз но шуиз Солы:" Тон Иудеялэн Царез?"

³⁴Иисус вераз солы:" Аслысьтыд-а тон вераськод тае, яке Мон сярсы тыныд мукетёсыз-а веразы?"

³⁵Пилат вераз:" Мон иудей шат? Тынад калыкед но первосвященникёс сётйзы Тонэ, мар Тон лэсьтйд?"

³⁶Иисус вераз:" Мынам Царствое та дуннеысь өвёл. Мынам Царствое луысал ке та дуннеысь, соку Мынам служить карисьёс ожмаськысалзы Мон понна, Мон иудейёслы медам сётэмын луы шуыса, нош али Мынам Царствое татысь өвёл"

³⁷Пилат шуиз солы:" Озыен Тон царь? Иисус верам пумитаз:" Тон вераськод Мон царь шуыса. Мон вордйськи но лыктй но дуннее, свидетельствовать карон понна зэмлык сярсы. Котькудыз, кин зэмлыклэсь, кылске Мынысьтым куараме".

³⁸Пилат шуиз солы:" Мар вань зэмлык?" Но, тае вераса, нош ик потйз иудейёс доры но шуиз соослы:" Нокыче но янгышсэ мон уг адзйськы Та адямилэсь.

³⁹Тйляд вань сямды, мон тйледлы Пасха праздниклы одйг муртэз мед мозмыто шуыса. Кулэ-ке, мозмыто тйледлы Иудеялэсь Царзэ?"

⁴⁰Соку нош ик ваньмыз кесяськыны одъязы:" Сое кулэ өвёл, лэзь Варавваез". Нош Варавва вал разбойник.

19 ¹Соку Пилат кутйз Иисусэз но косйз Сое сюлоен жугыны.

²Солдатёс пунйзы бышкиськись терновниклэсь венец, но дйсызы Солы йыраз, но дйсызы со вылэ горд басмалэсь мантия,

³но вераллязы:" Шум пот, Иудеялэн Царез!" Но жугылйзы Сое ымныраз.

⁴Пилат нош ик потйз но шуиз соослы:" Тани, мон поттйсько Сое тй доры, тй мед тододы, мон уг шэдътйськы шуыса Солэсь нокыче но янгышсэ".

⁵Соку Иисус потйз терновой венецен но горд мантияен. Но шуиз Пилат соослы:" Тани Со адями!"

⁶Нош куке Сое адзйзы первосвященникёс но служить карисьёс, кесяськыса веразы:" Кортчога! кортчога Сое". Пилат вера соослы:" Тй басьтэ но кортчогалэ Сое, мон уго, уг шэдътйськы Солэсь янгышсэ".

⁷Иудейёс вераллязы солы:" Милям вань законмы, но милям законмыа Со кулыны кулэ, малыке шуоно Со Асьсэ Инмарлен Пиез шуыса вера".

⁸Пилат, та кылёсты кылэм бераз, тужгес но зол кышказ на.

⁹Нош ик пыриз приторияе но Иисуслэсь юаз:" Кытысь Тон?" Нош Иисус солы номыр-но өз вера.

¹⁰Пилат вера Солы:" Мыным-а уд вераськы? Уд шат тодйськы, мынам вань шуыса власте кортчоґаны Тонэ но вань власте лэзьины но Тонэ?"

¹¹Иисус вералляз:" Тынад ой луысал ноґыче но властед Мон вылын, сётэмын ой ке луысал тыныд выльйисен, соин ик бадзымгес сьолык со вылын, кин сётйз Монэ тыныд".

¹²Со сэрэн Пилат утчаз муг лэзьины Сое. Нош иудейёс кесяськыса вераллязы:" Лэзйид ке Сое, тон кесарьлэн эшез өвёл. Котькудыз кин асьсэ царь каре, - пумит лэсьтэ кесарьлы".

¹³Пилат кылйз тае верамзэс, поттйз Иисусэз отысь но пуксиз судьялэн интыяз, кудыз нимаське вал Лифостротон (еврей кылын Гаввафа).

¹⁴Соку Пасха азын пятница вал, куатетй час. Но вераз Пилат иудейёссы:" Тани тйляд Царьды!"

¹⁵Нош соос кесяськыса веразы:" Басьты, басьты, кортчоґа Сое!" Пилат вера соослы:" Царьдэс тйлесьтыд кортчоґано?" Первосвященникёс вераллязы:" Ёвёл милям царьмы, цезарь сяна".

¹⁶Соку сётйз со Иисусэз соослы кортчоґаны. Басьтйзы Сое но нуизы.

¹⁷Но, нуиз Со кироссэ со интые, кудыз нимаське вал Лобной (еврей кылын Голгофа).

¹⁸Отын Сое кортчоґазы, Соин чош эшшо кык мукетёссэ одйгэз огпалаз нош мукетсэ мукет палаз, нош шоразы - Иисусэз.

¹⁹Пилат лэсьтйз гожтэт но шуккиз кирос вылэ. Гожтэмын вал:" Нозорей Иисус, Иудея Царь".

²⁰Та гожтэмез лыдййзы тросэз иудейёс, малыке шуон инты, кытын кортчоґамын вал Иисус, кыдёкын ой вал город дорысь, но гожтэмын вал еврей, грек но рим кылёсын.

²¹Иудаысь первосвященникёс Пилатлы шуизы:" Эн гожты "Иудея Царь", нош гошты,:" Со вералляз: Мон - Иудея Царь" шуыса".

²²Пилат шуэм:" Мар мон гожтй, сое гожтй".

²³Солдатёс Иисусэз кортчоґам бере, басьтйзы Солэсь дйсьёссэ но люкизы ныйль шори, котькуд солдатлы одйг локет но хитон. Хитон вурэмын ой вал, но быдэсак куэмын вал.

²⁴Соос шуизы ог озылы:" Ум кесялэ сое, нош пус куштом, кинлы сюрэз", - мед быдэсмоз шуыса Писаниын верам:" люкизы Мынысьтым дисьёсме ог огенызы но Мынам шобретэлы куштйзы пус". Озы лэсьтйзы солдатёс.

²⁵Иисуслэн киросэз дорын сыйзы Солэн анаез но сузэрэз Солэн анаезлэн, Мария, Клеоалэн кышноез но Мария Магдалина.

²⁶Иисус, адзйса анайзэ но дышетскисьсэ, артысь сыйсьсэ, кудзэ яратэ вал, вераз аслаз анаезлы:" Кышномурт! Тани тынад пиед",

²⁷Со бере вера дышетскисезлы:" Тани тынад анаед!" Со дырысен со дышетскись басьтйз сое дораз.

²⁸Со бере Иисус, тодыса, ваньмыз луиз ни шуыса, Писание быдэсмон понна вера:"Сюз куастме!"

²⁹Отын сыйлэ вал чырс винаен тырмытэм посуда. Солдатёс, котгыса чырс винаен губкаез, боды йылэ бышкалтыса, сётйзы Солэн ымдураз.

³⁰Куке Иисус шёмяз чырс винаез, шуиз:" Быдэсмиз!" Но, йырзэ мыкыртыса, духез потйз.

³¹Нош вал бере пятница, иудейёс медаз кыль шуыса мугорыз кирос вылын субботалы,- уго таиз суббота вал быдзым праздник,- куризы Пилатлэсь, пильылыны соослэсь пыдьюмылтьёссэс но басьтыны кирос бордысь.

³²Озыен, лыктйзы солдатъёс но нырысетйеслэсь пильлыйзы пыдъяуымылтъёссэ, но мукетызлэсь но Соин ёош коргчогамлэсь.

³³Нош, Иисус доры лыктйзы но адйизы, Со кулэмен ни, соин ик ёз ни пильылэ Солэсь пыдъяуымылтъёссэ,

³⁴нош одйгез солдатъёс пёлысь бышкалтиз Солэн кётурдэсаз копъёен но соку ик бызьиз вир но ву.

³⁵Но адйись вераз, но солэн верамез зэм. Со тодэ, зэм вера шуыса, тй мед оскоды шуыса.

³⁶Озы луиз, мед быдэсмоз шуыса Писание:" Лыэз но Солэн уз куашка".

³⁷Озы ик Писание мукет интыын но вера:" Учкозы Со шоры, Кудзэ бышкалтизы",

³⁸Со бере Аримафеяысь Иисус -иудуйёслэсь кышкаменыз Иисулэн лушкем дышетскисез, - куриз Пилатлэсь, басьтыны Иисулэсь мугорзэ кирос вылысь, но Пилат лэзиз. Со мынйз но Иисулэсь Мугорзэ киросысь басьтиз.

³⁹Озы ик лыктйз Никодим но - кудыз лыктылйз Иисус доры уйин - но ваиз ог сю литр пала смирналэсь но алойлэсь сурет ваиз.

⁴⁰Соос басьтизы Иисулэсь мугорзэ но биняллызы кулон басмаен ческыт зын вёйёсын зыраса, кызы ватыло иудейёс.

⁴¹Кытын Сое коргчогазы вал сад, но садын выль шойгу, кудаз нокин но понэмын ой на вал.

⁴²Отчы понйзы Иисусз иудейёслэн пятницазы сэрэн, малыке шуоно, шойгу матын вылэм

20 ¹Суббота бере мукет нуналаз Мария Магдолина лыктэ вазь ёукна, куке пеймыт на вал, шойгу доры, но адёе шойгу бордысь из палэнэ каремын.

²Со бызьыса лыктэ Симон Пётр но мукетыз дышетскись доры, кудзэ Иисус яратэ вал, но вера соослы:"Нуиллям Кузёмес шойгуысь, но ум тодйське, кытчы Сое понйзы".

³Пётр но мукетыз дышетскись соку ик потйзы, но мынйзы шойгу доры.

⁴Соос бызьыса ёош мыно вал, нош мукетыз дышетскись бызе вал жогтез Пётрлэсь но шойгу доры вазьгес вуиз.

⁵Но, мыкырскыса, адйиз басма кылле, нош шойгуэ ёз пыры.

⁶Со съёры лыктэ Пётр,но пыре шойгуэ, но адёе кыллись ватон басмаосты

⁷но кышетэз, кудыз вал Солэн йыр вылаз, басмаосын ёош кышет ой вал, нош нимаз керттэмын вал мукет интыын.

⁸Соку пыриз мукетыз но дышетскись, вазьгес вуисез шойгу доры, адйиз, но оскиз.

⁹Уго соос уг на тодо вал Писаниысь, Со кулэмысь улзыса султыны кулэ шуыса.

¹⁰Но бертизы дышетскисьёс доразы.

¹¹Нош Мария шойгу дорын бёрдыса сылэм. Но бёрдыкез шойгуэ учкем,

¹²но адёе кык ангелъёсты, кудъёсыз пуко вылэм тодъы дисьёсын:одйгез йыр дораз, нош мукетыз кытын кылле вал Иисулэн мугорыз.

¹³Но соос верало солы:"Кышномурт! Малы тон бёрдйськод?" Вера соослы:"Кузёме мынысьтым нуизы, но уг тодйськы, кытчы Сое понйзы".

¹⁴Сое вераса, берлань бэрытскиз но адзиз пукись Иисусэз, но өз тодма, со Иисус шуыса.

¹⁵Иисус вера солы:" Кышномурт! Малы тон бөрдйськод? Кинэ утчаськод?" Мария малпам Со садовник шуыса, но вера Солы:" Кузёе! Тон ке нуид Сое, вера мыным, кытчы понйд Сое, но мон басьто Сое".

¹⁶Иисус вера солы:"Мария!" Со,берытскиз но вераз:"Раввуни!" - " Учитель".

¹⁷Иисус вера солы:" Эн кутскылы Мон борды, уго Мон Атае доры ой на туба. Мын Мынам вынъёсы доры но вера соослы:" Тубисько Мынам Атае доры, тйляд но Атайды доры, Мынам Инмаре доры, тйляд но Инмарды доры".

¹⁸Мария Магдалина мынэ но ивортэ дышетскисьёслы, адзылй шуыса Кузё Инмарез но Со пе вераз тае солы.

¹⁹Со нуналэ ик суббота бере, жытазе, куке корка ёсьёс, кытын вал дышетскисьёс, ворсамын вал иудейёслэсь кышкаса, лыктйз Иисус но султйз соослэн шоразы, но шуиз соослы:"Мир тйледлы!"

²⁰Вераса тае, Со возматйз соослы Аслысьтыз киоссэ но көтурдэссэ. Дышетскисьёсыз шум потйзы, адзыса Кузёзэс.

²¹Иисус нош ик соослы шуиз:"Мир тйледлы! Кызъы келяз Монэ Атай, озы ик Мон но келясько тйледыз".

²²Тае вераса, шокчиз, но вера соослы:" Басьтэлэ Святой Духез.

²³Кинлы сёлыкёссэ проститъ кароды, соизлы проститъ кариськоз, кин вылэ кельтоды, со вылын кылёз",

²⁴Нош Фома, одйгез Даскыктьёс пöлысь, кудзэ вераллязы Кыкто, соосын ой вал Иисус лыктыку.

²⁵Мукетъёсыз дышетскисьёс шуизы солы:"Ми Кузёмес адзылйм". Нош со шуэм соосды:"Ой ке адзы кортчога бере ранаоссэ Солэн кийсьтыз но ой ке пон чиньыме Солэн ранаяз, но киме ой ке пон Солэн көтурдэсаз, уг оскы".

²⁶Тямыс нунал ортчем бере Солэн дышетскисьёсыз нош ик вал коркан, Фома но соосын. Иисус лыктйз, куке ёсьёс ворсамын вал, султйз соослэн шоразы но шуиз : " Мир тйледлы"

²⁷Со бере Фомалы вера:" Вай татчы аслысьтыд чиньыдэ но учкы Мынам киосы шоры. Вай кидэ но пон Мынам көтурдэскам, но эн лу оскисьтэм, нош лу оскись".

²⁸Фома пумитаз вера Солы:" Кузёе мынам но Инмаре Мынам!"

²⁹Иисус вера солы:" Тон оскид, Монэ адзид но. Шудоесь Монэ адзытэк оскисьёс.

³⁰Трос мукетъёссэ но чудоос Иисус лэсьтылйз аслаз дышетскисьёсыз азын, кудъёсыз сярисъ гожтэмын та книгаын.

³¹Та ик гоштэмын, тй мед оскоды шуыса, Иисус - со Христос, Инмарлэн Пиез, но, оскыса, Солэн нимыз понна улон мед басьтоды шуыса.

21 ¹Со бере нош ик лыктэм Иисус Аслаз дышетскисьёсыз доры Тивириада море дурын. Лыктэм нош тазы:

²Чош вал Симон Пётр, но Фома, Кыкто шуон, но Нафанаил Галилейской Канаысь, но Заведейлэн пиосыз, но кык мукетъёсыз Солэн дышетскисьёсыз.

³Симон Пётр шуэ соослы:"Мыно чёрыг кутылыны". Солы шуо:"Ми но тонэныд мыном". Мынйзы но со куспын ик пуксизы лодкае. Со уйэ чёрыг өз кутэ.

⁴ Иисус, чукна ик сылэ вылэм яр дурын, нош дышетсисьёсыз Сое өвёл тодмаллям.

⁵Иисус шуиз соослы:" Пиналъёсы! вань-а тйляд кыче ке сиёнды?" Соос веразы:"Өвёл".

⁶Нош Со шуиз соослы:"Куштэлэ сетьтэс лодкалэн бур палаз но кутоды". Соос куштйзы но өз ни vorme кыскыны сетьсэс, уго сокем трос чёрыг пырем.

⁷Соку дышетскись, кудзэ яратэ вал Иисус, шуэ Пётрлы:" Кузёмы Со!", Симон Пётр кылэм бераз Со Иисус шуыса, дйсьскыз, малыке шуоно голик вал, но морее тэкчиз.

⁸Нош мукетгёсыз ученикгёс лодкаен уяса лыктйзы:"

⁹Куке потйзы яр дуре, адйзы - тылскемын, но эгыр вылын пыже чёрыг но нянь.

¹⁰Иисус шуэ соослы:"Вае чёрыгдэс, кудзэ тй али гинэ кутйды".

¹¹Симон Пётр мынйз но поттйз яр дуре сетьсэс, кудыз тырмемын вал сю витътон куинь бадйым чёрыгёсын, сокем тросс чёрыгез но ке вал сетьсы өвёл кескем.

¹²Иисус шуэ соослы:" Лыктэ но сиське". Дышетсисьёс пöлысь нокин но өз дйсьты юаны Солэсь:"Кин Тон?", тодыса, Со Кузёзы шуыса.

¹³Иисус басьтэ нянь но сётэ соослы, озьы ик чёрыг но.

¹⁴Кулэмысь улзыса султэмез бере та вал куинетйез Иисуслэн лыктэмез Аслаз дышетскисьёсыз доры.

¹⁵Куке соос обедало вал, Иисус вера Симон Пётрлы:" Симон, Иоаннлэн пиез! Яратйськод-а Монэ соослэсь золгес? Пётр вера Соны:" Бен, Кузёе! Тон тодйськод, мон Тонэ яратйсько шуыса". Иисус вера соны:" Возьма Мынысьтым ыжпиосме".

¹⁶Но вера соны кыктэтйз:" Симон, Иоаннлэн пиез! Яратйськод-а Монэ?" Пётр вера Соны:" Бен, Кузёе! Тон тодйськод, мон Тонэ яратйсько шуыса". Иисус вера соны:" Возьма Мынысьтым ыжгёсме".

¹⁷Вера соны куинетйз:"Симон, Иоаннлэн пиез! Яратйськод-а Монэ?" Пётр жожомиз куиньметйзэ юамезлэсь "яратйськод-а Монэ", но вера Соны:" Кузёе! Тон ваньзэ тодйськод. Тон тодйськод, мон Тонэ яратйсько шуыса". Иисус вера соны:" Возьма Мынысьтым ыжгёсме.

¹⁸Зэм ик, зэм ик верасько тыныд:" куке тон вал егит, ачид дйсьскылйд но кытчы мынэмед потйз отчы ик вэтлылйд, нош куке мйымид ке, киостэ жутод но муке мурт дйсьлоз тонэ но нуоз, кытчы мынэмед уг поты",

¹⁹Тае, вераз возьматыны, кыче кулонэн Пётр данъялоз Инмарез. Тае вераса, шуиз соны:" Лык Мон сёры".

²⁰Пётр берытскиз но адйз со сёры лыктэ дышетскись, кудзэ Иисус яратэ вал но кудыз жйт сиськыку, мыкырскыса Солэн гадь вылаз, шуиз:"Кузёе! Кин вузалоз тонэ?"

²¹Пётр адйыса сое Иисуслы вера:"Кузёе! Нош со мар?"

²²Иисус вера соны:" Мынам мылы потйз ке, со, лыктытгёзам мед улоз шуыса, мар тыныд? Тон лык Мон сёры".

²³Но вöлмиз та верам вынгёс куспын, со дышетскись уз пе кул. Нош Иисус өз вера соны, уз кулы шуыса. Со вераз гинэ:" Мынам мылы потйз ке, со, лыктытгёзам мед улоз шуыса, мар тыныд?

²⁴Та дышетскись ивортэ но гожтэм та учыргёс сярись, но ми тодйськом, солэн ивортэмез шонер шуыса.

²⁵Но трос мукетгёссэ лэсьтйз Иисус, ваньмыз сярись тупен тупен гожтоно луысал ке, малпасько, быдэс дуннее но ой тэрысал гожтэм книгаос. Аминь.